

7pm - 7am
October until December 2012

19th
/MB



TELKOM PNG
Always Here

Off peak Internet Prepaid rates
reduced for the rest of the Year

3417 Customer Care: Call 345 6789 or www.telikompng.com.pg

Conditions Apply

3G⁺

HOT OKTOBA 3G DEALS

Kisim K5 fri credits lon wanwan mun insait lo tripla mun*

Katolik Sios wari long loa na oda long Mosbi I bagarap

...Sapotim Gavana Parkop long ami long helpim

KATOLIK Sios long Papua Niugini I sapotim tingting bilong Nesenel Distrik Gavana, Powes Parkop, long kisim ami long patrolim Pot Mosbi siti long wanpela yia.

Long wankain taim tu, singaut I go long ol nara-pela palamen memba long sapotim dispela tingting na pipel long siti na kantri i ken wokabaut fri.

Jenerel Sekreteri bilong Katolik Bisops Konpres bilong PNG na Solomon Ailan (CBC PNG&SI), Pater Victor Roche, I makim maus bilong ol bisop wokim dispela toktok bihainim ol ripot long midia we loa na oda insait long Nesenel Kapitel Distrik I wok long go nogut olgeta.

"Long ol wik I kam inap nau, yumi ritim planti ripot long midia olsem loa na oda insait long siti I wok long go nogut tru.

"Long pepa tude, Bos bilong ol Polis I tok olsem pasin bilong holim ap ol kar long Mosbi siti I wok long go bikpela, na em I wokim tok lukaut I go long ol lain I gat kar long was gut taim ol I raun long kar long nait.



MALABAG HELPIM SIOS: Helt Minista na Memba bilong Mosbi Not Wes, Michael Malabag i sanap wantaim Pater bilong Morata Katolik peris, Pater Rosario, Bisop bilong Wabag, Arnold Orowae na Jenerel Sekreteri bilong Katolik Bisop Konfrens, Pater Victor Roche, bihain long misa lotu na selebren long pestode bilong peris. Minista Malabag i bin givim K250,000 long helpim Morata klinik we sios i papa long en. *Poto Nicky Bernard*

"Pik poket o suvim han long poket bilong man na stilim ol mani samting, rep o bagarapim meri na kilim dai man I kamap olsem hap bi-long nomol laip long siti.

"Tupela wik I go pinis,

yumi bin ritim long niuspepa pasin nogut stret we ol bin repim wanpela mama long bikpela san long Godons maket. Na ol bikhet na trabel man I wokim dispela pasin I raun frit aim meri I

kisim bagarap I pret long putim ripot long dispela I go long ol polis.

"Polis I no inap long kontrolim krait long siti I wok long go bikpela. Na pablik I wok long stap isi na lukluk I

stap long ol trabel we ol kriminel I wokim, na ol i no wokim wanpela samting," Pater Victor, I tok.

I go moa long pes 4



SAMSUNG K99 including GST

MOTOROLA K149 including GST

ALCATEL K249 including GST

ALCATEL K269 including GST

NOKIA K279 including GST

K15 FRI CREDITS

WWW.DIGICELPNG.COM |

Digicel will credit your account in 3 separate K5 installments. If you also top up your account, 1st K5 credited on account activation; 2nd K5 credited on 15 Nov if you top up between 1 Nov and 14 Nov; 3rd K5 credited on 15 Dec if you top up between 1 Dec and 14 Dec. Each K5 credit is not transferable and expires in 15 days from the date it is applied. The K5 can be used only for voice calls and SMS (charged at standard rates). Digicel may withdraw the offer at any time without prior notice. Terms & conditions apply. See www.digicelpng.com.

Digicel

PNG's Bigger, Better Network.



GLOBE

....the perfect choice

VITAMIN ENRICHED

More Easy, More Tasty, More Healthy.

1 kg Rice

TIPNG laikim PNG holim ol stilman ...kisim bek stilmani long Australia

TRANSPERANSI Intane-senel PNG (TIPNG) i laikim ol stilmanmeri long PNG husat i haitim ol stilmani long Australia, i mas kisim mekimsave.

Siaman bilong bod bilong TIPNG, Lawrence Stephens, i tok askim long sampela wok luk-save i kamap long mekimsave long ol stilmanmeri long Australia, em i no toktok bilong nau tasol.

"Longpela taim nau, TPING i wok long askim ol wansolwara bilong en long halivim long autim ol hait invesmen. Moa yet long ril-estet indastri. Nau gen, mipela i askim ol pren bilong mipela long kisim eksen long dispela. Pablik luksave long mak na manimak bilong ol invesmen ol gavman opisal i wok long mekim na salim i go aut long PNG, bai strongim gutpela bilong kantri. Ol loa i stap long l arapela kantri i wok mekim i isi moa long kisim hait mani. Sapos dispela man i ken go bek long ol pipel bilong PNG yet, em bai gutpela," Mista

Stephens i tok.

Mista Stephens i tok i no hait samting olsem planti ol PNG gavman opisal i wok baim kain kain ol propeti o graun na i holim ol benk akaun long Australia, moa long pe ol i save kisim long PNG.

Dispela hevi, em i tok, i go ausait moa long Australia tu. Em i klia nau olsem ol opisal bilong mipela i wok long baim graun long Nu Silan, Fiji, Vanuatu, Samoa na Solomon Ailians na ol arapela ples.

"Sampela long ol dispela invesmen, em i trutru, bikos sampela opisal i mekim nem bilong ol tu long bisnis. Tasol i gat planti i krangi liklik," em i tok.

TIPNG i kamaut strong long dispela, bihain long Siaman bilong Task Fos Sweep, Sam Koim, i tokaut long midia olsem bikpela hap mani tas fos i painimaut olsem ol i paulim, i save go sindaun long ol benk akaun long Australia, na i hat moa long kisim bek ol dispela stil mani.

ONE MILLION REASONS CONGRATULATIONS TO ALL OUR SEPTEMBER WINNERS!

K50,000 JAMES SO-ON - Kiunga

K1,500 TUMAN - Mt Hagen, KORAI - Kundiawa

K1,000 HOMAI - Tabubil, NIGONA - Pom, NA'AL - Pom

K600 TEMBE - Bulolo, ASA - Kainantu, LAHIS - Pom, ELIAB - Vanimo, BASINAURO - Alotau, LUGIS - Finschafen, DICKSON - Lae, SUJMIANGAN - Kavieng, WAIYA - Tabubil, NARU - Pom

K400 YIP - Alotau, BARA - Madang, DINGU - Kainantu, ONOL - Lae, LOGONA - Pom, SIOU - Madang, BOGOMBARI - Lae, IMIO - Kainantu, SAMSON - Goroka, MIAKORE - Kerema, TAU - Lae, LINGLANG - Wewak, TORASO - Wabag, YEIMBAN - Madang, TURMUT - Kimbe, LOI - Kimbe, LETUM - Pom, RAGUA - Lae, JEFFREY - Lae, CLEMENT - Lae

K250 CHEE - Kavieng, DREATA - Kiunga, HASU - Pom, KUPA - Bulolo, LIJIAN - Lihir, IGO - Harbour City, PAUL - Lae, IURUBU - Tari, LENTURUT - Pom, KAMBAO - Wabag, POMBO - Pom, WURAH - Kokopo, POLUME - Pom, OLEWALE - Pom, PUNAME - Lae, OPNAI - Lihir, BOK - Lae, TAIKO - Lae, PUKUT - Lihir, ADI - Daru, KASA - Lae, LEMEKI - Alotau, GEU - Lae, MURRAY - Pom, ANIS - Pom, BUBUN - Waigani, PASSINGAN - Kavieng, BRENE - Tabubil, WAILA - Waigani, BEAKATA - Pom

K200 KOANI - Pom, SEKUM - Pom, KEDOMA - Kiunga, SAU - Bulolo, KOLAS - Pom, PARKER - Bialla, TANI - Lae, GARIADI - Alotau, LEA - Mt Hagen, MOMO - Pom, WANUME - Goroka, SEMOSO - Buka, MOSES - Pom, VAGI - Alotau, JONATHAN - Kokopo, KWAMILON - Maprik, TARAVATU - Gordons, GUBA - Pom, BARU - Kainantu, YAUAPI - Wabag, EBBI - Kimbe, GUNGA - Popondetta, NOND - Lae, PILA - Tari, AREK - Pom, WASE - Popondetta, BUI - Pom, SALUAP - Tabubil, ABBA - Pom, NOPA - Madang, SAVIMAN - Lae, MANGA - Madang, TAU - Pom, SIMOI - Pom, DOMIN - Pom, ESCOTE - Pom, ROWARO - Rabaul, SIGRUPOI - Finschafen, OGI - Pom, JOHN - Lae, ILULOPO - Pom, FRANCIS - Madang, TABUN - Pom, JOELS - Alotau, TOM - Kiunga

K150 KAKE - Vanimo, ALLY - Lae, KAMBOU - Manus, DAI - Pom, TIU - Kainantu, KERENGA - Pom, TO'ORO - Pom, IDANI - Mt Hagen, IMOT - Goroka, BARE - Boroko, YALIBU - Lae, SIREH - Goroka, DADADA - Popondetta, BULU - Mt Hagen, MOAITZ - Madang, APLTA - Pom, SESERI - Lae, HOMIER - Kimbe, TASOPI - Kainantu, MAI - Pom, LEA - Wabag, VEAPI - Kimbe, ENOLEI - Alotau, KIKES - Buka, IKUPU - Kokopo, NAGWI - Pom, MARY - Waigani, PARAKA - Goroka, SGT SOLOMON - Pom, JULIA - Lae, INUT - Kokopo, KERO - Lae, WAGURIA - Daru, KAKATA - Buin, PALA - Pom, BENA - Pom, HAICHIM - Pom, KOROPA - Mt Hagen, LUCAS - Pom, LAWES - Pom, KINBO - Pom, FAIRIO - Pom, LABABANA - Pom, OFOTIGHI - Popondetta, TIOTI - Alotau, LOUHA - Pom, BOROVEN - Popondetta, SANA - Mt Hagen, LANIS - Madang, AITEN - Bulolo, FILFI - Pom, TAITARAE - Lihir, CHARLIE - Hohola, KRAMER - Madang, TOLAKUR - Kavieng, KAMBAK - Lorengau, KIALO - Maprik, ISEMBO - Lae, KENDO MARK WAMBUIN - Pom, KISANG - Lae, KIPPI - Lae, ADRIAN - Alotau, POROGGY - Lae, FIRMAN - Mt Hagen, MALE - Pom, YOPA - Kundiawa, KILAILA - Mt Hagen, NICHOLAS - Lae, NOHO - Pom, NIMO - Alotau, KABARAPUNG - Goroka, TAYMEN - Gordons, DICKSON - Alotau, DOMANI - Wewak, LYONS - Buka, PAINO - Lae, PATIKEN - Bialla, PETER - Lae, GREG - Kokopo, ALU - Lae, GWANGILO - Pom, AZIMA - Tabubil, TOWARA - Popondetta, MURPIDIK - Pom, JOHN - Lae, KAPER - Tabubil, YATOS - Mt Hagen, SIMOL - Lihir, SOGOWA - Balimo, TAPAKAU - Arawa

201 Monthly Prize winners will share in K100 000 each month from July - December

1 x K50,000

3 x K1000

20 x K400

45 x K200

2 x K1,500

10 x K600

30 x K250

90 x K150

Simply complete eligible transactions with your BSP Card at any BSP ATM, BSP EFTPoS Device or via BSP Mobile Banking and you will go into the draw



The more you use your KunduCard, the more chances to win

Find Us On:



www.bsp.com.pg

Winners will have prize amounts credited into their accounts no later than 12th October 2012.

Niupela

Maggi

MagicTeist

Wanpela kain kuking pauda

Bai givim
BEST teist
long
kainkain kuk

TELE Apdeit

19 toea wan MB data ret i on yet wantaim Telikom PNG

INDIPENDENS ofa bilong Telikom PNG long 19 toea of-pik data ret bai ron yet inap long pinis bilong yia, bikos i gat gupela bekim long ol kastoma.

Eking Sif Komesal Opisa bilong Telikom, Kone Kula, i tokaut olsem skruim bilong dispela 19 toea of-pik pripeid data sevis we i save ron long 7 kilok nait inap 7 kilok moning, i bin kirap long Septemba 6, 2012.

"Mipela bai go het wantaim dispela of-pik ofa ret bilong 19 toea long wan megabait daunlod inap long pinis bilong yia. Stendat ret bilong 29 toea long wan megabait bai on yet long 7 kilok moning i go inap 7 kilok nait. Na dispela tu, em i wanpela gupela ret yet bilong ol intanet yusa bilong mipela," Mista Kula i tok.

Mista Kula i tok daunim bilong intanet ret bai karamapim olgeta Telikom pripeid data prodak olsem EVDO modem, Citifon, ADSL na WiMAX brodben.

Yusim bilong ol intanet sevis nau em i bikpela moa long ol hauslain long kantri we ol sosol netwok sait olsem Facebook em i bikpela namel long ol yangpela, na pasin bilong yusim email i larim ol wokmanmeri long pinisim gut ol wok bilong opis.

Olsem na dispela daunim of-pik ret bai gupela nius bilong ol Telikom intanet yusa husat i save amamas wantaim intanet spid we i spid moa long ADSL na WiMAX.



Call 147
Citifon: 147 147 147

Angliken wol lida bai kam long PNG

OL ANGLIKEN Sios memba long dispela kantri bai gat sans long lukim hetman o lida bilong sios bilong ol long wol, Reveren Dokta Rowan Williams em Asbisop bilong Kenteberi (Canterbury) long dispela mun.

Asbisop bilong Kenteberi (AC), Asbisop Rowan bai kamap long PNG na pondaun long Jackson's ples balus long Mosbi long 5 kilok moning Sarere Oktoba 20, na lusim kantri 6-pela de bihain long Fonde moning, Oktoba 25, 2012.

AC Asbisop Rowan em lida bilong 80 milian Angliken Sios memba long 165 kantri long wol.

Bisop bilong Angliken Sios long Pot Mosbi Daiosis, Bisop Peter Ramsden i tok wokabout bilong Asbisop Rowan i kam long PNG em long lukim ol bilip manmeri long sios bilong em long dispela kantri we i wanpela long ol 38 provins insait long Angliken Sios long wol.

Bisop Ramsden i tok dispela em i namba wan taim hetman bilong Asbisop Rowan long kam long PNG, na namba tri taim wanpela hetman bilong Angliken Sios long wol i raun i kam long dispela kantri.

Em i tok wokabout bilong em bai givim em sans long

bungim ol Anglike Sios memba long 5-pela daiosis, strongim Angliken Sios long PNG na wok bilong em long helt na edukesen, autim salens bilong jenda beis vailens n a HIV na AIDS, strongim ol wok patna wantaim ol narapela sios na tok-tok wantaim PNG gavman long ol developmen isu.

Progem bilong Asbisop Rowan bai stat long kamap bilong em long Mosbi long Sarere moning Oktoba 20. Long 2 kilok, em bai go lukim gavana jenerel, praim ministra na oposisen lida na long 4 kilok apinun, bai gat lotu sevis long sapel bilong daiosis long Angliken kompaun long Not Waigani.

Long Sande Oktoba 21, em bai kisim balus long bikmoning na flai i go long Popondetta long bungim ol sios memba, ol yut na wokim misa lotu long resureksen katitdrel long Popondetta.

Long Mande moning, Oktoba 22, Asbisop Rowan bai raun i go lukim ol haus sik we sios i papa long en long Oro Bay, lukim ol Angliken riljes woklain long Haroro, brukim graun long ples we ol bai kirapim Angliken Tisas Kolis na raun i go lukim Newton Kolis long Jonita.

Long Tunde Oktoba 23, he-likopta bai kisim asbisop i go



WOL ANGLIKEN SIOS LIDA BAI KAM LONG PNG: Long hankais: Ol Angliken Sios lida, Bisop Peter Ramsden bilong Pot Mosbi, Asbisop Rowan Williams bilong Canterbury, na Asbisop bilong PNG, Joe Kopapa.

long Dogura (Wedau) em ples we ol namba wan Angliken Sios misinari i bin kamap long en long yia 11891, na bihain kam long Mosbi.

Long Trinde Oktoba 24, em bai sindaun long wanpela bung namel long PNG/Angliken/Roman Katolik Komisin. Bihain long dispela em bai go raun lukim Krai the King Sios na Elementeri

skul long Orobada, ATS, holim bung wantaim ol niuslain long Anglikea kompaun long Not Waigani, nas las long dispela de, bai gat bung kaikai we Gavana Jenerel Se Michael Ogio long Palamen Haus bai go pas long en. Bihain long dispela, em bai go lukluk raun long Anglikea hap.

Long laspela de em Fonde, Asbisop bai lusim

PNG long bikmoning na flai i go long Brisben long statim narapela lek bilong wokabout bilong em long Australia.

Bisop Ramsden i tok sios i amamas stret long wokabout bilong hetman bilong sios i mekim wokabout lukluk raun i kam long PNG na askim midia long helpim mekim dispela i wanpela spesel samting long PNG.



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the **WANTOK** 52 times a year.

AIRMAIL SUBSCRIPTION RATES (includes postage & handling)
PNG K220.00, Australia/New Zealand US\$110.00, Asia/Pacific US\$150.00
Rest of the World US\$210.00

NCD HOME DELIVERY
80t per copy or K65.00 for two or more copies. Office pickup K52.00 per year for a copy.

Please send me.....copy/copies of WANTOK for one year.

I enclose Kina/USD..... as full payment.

Name.....
Postal Address.....
City.....
State/Province.....(abbreviation)
Country..... Zip/Postal Code.....
Street Address.....
Telephone..... Fax.....
Email.....
Signed..... Date.....

Address: Subscriptions
Word Publishing Company Ltd
PO BOX 1982
Boroko, NCD 111
Papua New Guinea

Attn: **Luke MEK** (Circulation & Distribution)

i kam long pes 1

Sapotim Gavana Parkop ami i halivim

"Katolik Sios i sapotim tingting bilong Gavana Parkop long singautim ami long patrolim ol strit bilong Mosbi long wanpela yia. Rausim strongpela tingting ol kriminel i gat long em we ol i mekim ol bikhet pasin na ol kraitim, na ol i save olsem polis na pablik i no inap mekim samting long stopim ol. Pablik tu i gat wankain pasin. Bai kisim sampela mun o sampela yia long senisim dispela kain tingting na pasin. Em i gupela long stat nau," Pater Victor i tok.

Em i tok tru, ol ami opisa i mas bihainim loa taim ol i mekim wok bilong ol.

"Katolik Sios i singaut laikim tu ol narapela memba bilong palamen na ol ministra long sapotim dispela singaut long yusim ol ami long kapitel siti.

"Mipela i bilip olsem ol pipel bilong NCD na ol narapela hap bilong kantri i ken wokabout fri long kantri bilong yumi yet," Pater Victor, i tok.

Long wankain taim, Bosman bilong ol polis long NCD, Peter Guinness, i tok i moabeta long ol manmeri i daunim wokabout bilong ol long nait.

Em i tok ripot we em i kisim i soim olsem long wan wan de, ol raskol i wok long holim pa na stilim namel long 4 na 5-pela kar long siti long wanpela de.

"Dispela i no gupela nius na i mekim mi wari stap," polis bosman Guinness i tok.

Em i tok ol stillain na raskol i senisim stail bilong ol long stilim ol kar.

"Ol i wokim stil pasin i go long nait bikos long san, i gat planti kar stret i stap long rot.

"Sapos wanpela kar i bihainim yu, draiv i go long polis stesen klostu long yu. Na tu, kontekim ol polis o ol famili memba na ol bai tok-save i go long ol polis.

Bihain ol ripot long planti kriminel pasin we midia i ripotim i kamap long Godons maket insait long NCD, Polis bosman Guinness i tok ol midia o nius manmeri i mas sekim ol ripot wantaim polis pastaim ol i prinim long niuspela.

Em i tok dispela em bikos ripot long repim wanpela meri long Godons maket i no tru, tasol ol raskol i bin rausim ol klos bilong em.

Australia palamen i oraitim opim bilong Manus asailam senta

GAVMAN bilong Australia bai stat salim ol asailam sika i go long Manus ailan, bihain long Senet i bin vot na givim ol tok orait bilong statim wok bilong dispela senta.

Wanpela amenmen, em Greens Pati i bin tebolim, long ol asailam sika i mas stap 12-pela

mun olgeta long ailan, i no bin kisim vot.

Gavman i salim pinis 30 pipel, na olgeta ol man i stap pinis long Nauru, 17 bilong Afganistan, na 13 bilong Sri Lanka.

Long Tunde dispela wik, Australia Imigresen Minista Chris Bowen, i bin tok Manus senta bai

gat samting olsem 600 pipel long wanwan taim.

“Em i klia long mi pinis olsem mipela i pait wantaim tok tru, we ol lain bilong haitim ol manmeri, i tok ‘noken wari long wanpela samting, sapos ol i salim yu go long Nauru, em bai sotpela taim tasol’,” Mista Bowen i tok.

“Na mi ting ol pipel husat i kamap long Australia i lainim pinis olsem em i no tru, na sampela long ol i senisim tingting na go bek long asples bilong ol.”

Mista Bowen i bin bung wantaim Praim Minista Peter O'Neill las wik long Mosbi, na tupela wantaim i tokaut olsem husat ol

asailam sika i kamap long Manus, bai nogat banis bilong loa i pasim ol long sindaun gut Tasol i no klia yet husat tru bai lukautim wok bilong asailam senta, na wanem ol arapela banis i stap bilong lukautim gut sindaun na laip bilong ol asples manmeri, na PNG.

PNG loa i no strong tuma s long kalabusim ol man

NIUS ripot i kamap dispela wik long wanpela grup man i bin reipim wanpela meri long Gordons maket long Mosbi siti, i mekim planti pipel i autim bel kaskas bilong ol long dispela pasin ol man i mekim.

Tasol Dominic Kakas bilong Polis Midia Yunit i tok dispela ripot i no tru.

Em i bin tok ol i arestim sampela long dispela ol hevi, tasol ol i larim ol i go fri, na meri i no bin putim wanpela komplem long polis.


“Ol polisman i holim ol saspek long rum gat, na wetim meri long go na sekim sapos ol em ol asua lain, tasol em i no go het long makim ol man ya, na ol i rilisim ol,” Mista Kakas i tok.

Dairekta bilong Isten Hailans Famili Vois, John Eriku, i tok dispela kain hevi na trabol i save kamap oltaim.

Family Vois, wanpela non gavman ogenaísesen, i stap long Goroka, na i save bungim planti ol ‘viktim na savaiva’ bilong famili vailens o pasin pait, i kam long opis bilong ol.

Em i tok, PNG famili i no moa sanap bung na stap namba wan olsem wanpela famili nau.

“Insait long tenpela pipel i go lukim ol, 8 o nainpela em ol meri,” em i tok.



LAINIM DANIS: Pasin bilong lainim tumbuna danis save stap long yumi olgeta Papua Niugini. Dispela liklik meri Lealea i lainim danis hulahula long taim ol BSP go opim nupela liklik rural benk long ples bilong em. *Poto Nicky Bernard*

OI PNG tisa no save kisim bikpela luksave long wok

TISING Sevises Komisin bilong kantri i tok tru, ol tisa i stap long ‘franlain’ long wok bilong ol, tasol ol i no save kisim bikpela luksave long wok ol i save mekim long rurel na ol wok long taun.

Samson Wangihomie bilong Tisin Sevises Komisin, i tok Papua Niugini i gat 49,700 tisa raun long kantri, insait long ol rurel eria, longwe ples, na insait long taun.

Em i tok ol i save hatwok tru, tasol ol i no save kisim bikpela luksave long wok ol i mekim.

Jules Taria bilong Buk bilong Pikinini long PNG i tok ol pikinini, husat i svae go long ol senta bilong ol, i save laikim tru long lukim ol stori buk na ridim ol buk.

Long dispela namel taim, ol i gat nainpela senta, na ol i plen long kamapim moa wantaim halivim i kam long ol bisnis na ol dona ejensi.



Gutpela pren na pasin wokbung

LONG taim bilong resis long jeneral ileksen, tupela i birua stret. Nau, bihain long ileksen, tupela i gutpela pren.

Olpela gavana bilong Isten Hailans Mal ‘Kela’ Smith i amamas long givim gavana wok long namba wan meri gavana bilong provins, na tu, Hailans

rijen, Julie Soso, na em i tok amamas long wok wantaim long bringim ol sevis i go daun long ol pipel long provins.

Mista Smith i bin wok olsem gavana long tenpela krismas.

Poto na Stori: Sape Metta

Ol lokol fama wokbung long kamapim developmen

Sape Metta i raitim

OL LOKOL kopi growas na agrikalsa fama long foapela provins insait long Hailans Rijen, Isten Hailans, Simbu, nupela provins, Jiwaka na Westen Hailans i bung na kamap wantaim tingting long wok bung, kamapim ol developmen na bringim provins bilong ol i go antap na i go pas long wok bilong growim kopi na agrikalsa fam wok tu.

Na dispela ol fama husat planti long ol em ol hauslain na vilesman i kamapim pinis koporetiv sosaiti wantaim helpim bilong Kopi Industri Koporesen (CIC) na i rejista aninit long Apo, Angra na Kange (AAK) koporetiv sosaiti. Na dispela sosaiti i gat bikpela tingting long senisim pasin, tingting na sindaun bilong manmeri husat i lusim ples bilong ol i go long ol taun na siti na sindaun na raun nating insait long ol komyuniti.

Dispela ol lain i mas lusim ol les na bikhet pasin bilong ol, senisim tingting na kisim gutpela tingting long muv i go bek long ples, wok long graun bilong ol na kamapim sampela gutpela samting long helpim ol yet na long sem taim tu, kamapim gutpela sindaun long ples.

Ol fama i tok olsem ol hatwok lain bilong ples ol i no save amamas long lukim ol les lain manmeri long ol komyuniti husat i save brukim baksait long pilai kas o laki na wes-tim bikpela taim nating tru. Dispela ol manmeri bai inap long i go bek long ples na brukim baksait, holim na tilim graunk, wokbung wantaim, na stretim ples. Kamap man na meri tru na senisim pasin em i as tingting bilong AAK Koporetiv Sosaiti.

Kodineta bilong Sosaiti, Brian Kuglame, long wanpela graduesen

seremoni bilong ol lokol fama long Goroka Agribisnis Institut, i tokim sikspela ten patisipen olsem em taim nau long ol manmer i mas senisim komyuniti bai em i redi nau long mekim dispela kamap.

Em i tok pilai kas, kamapim ol trabel na bikhet pasin, raun na sindaun nating, i no inap kamapm wanpela gutpela samting.

“Yumi mas lusim ol les pasin na bikhet pasin na go bek long ples; mani em i stap long graun na yumi ken mekim planti mani na kamap mani manmeri sapos yumi go bek long ples na wok long graun bilong yumi. Mani em i stap long graun, tasol long les pasin bilong yumi, yumi no inap lukim dispela ol mani,” Kuglame i tok.

Em i tok sosaiti i wok nau long stretim ol pepa wok (petisens) we em bai givim long ol gavman bilong fopela provins - Isten Hailans, Simbu, Jiwaka na Westen Hailans long putim stop long salim na pilai kas long ol dispela provins.

Kuglame i tok pasin bilong pilai kas tasol i mekim na ol manmeri i kamap les tumas long mekim ol gutpela wok long ol hauslain, viles taun komyuniti.

“Mekim olsem na yumi no inap long develop na muv fowet.”

Em i tok planti ol hatwok fama long ples i luksave long kamapim planti mani na ol i no givap long wok strong long graun bilong ol.

Kuglame i tok sosaiti i kirap pinis na ol fama husat i memba long AAK bai ken lukim planti senis i kamap we ol, olsem ol memba bai kisim bikpela halivim na benefit tu long dispela sosaiti.

Em i tok mani em i stap long graun na sapos ol man meri i no nap long wok long graun, mani bai go het yet long abrusim ol na provins na kantri tu bai no inap develop na muv fowet.



FAMA WELKAM: WANPELA Wanpela lokol agrikalsa fama na memba bilong AAK Koporetiv Sosaeti husat i stap insait long tu wiks agrikalsa trening woksop long Goroka, Isten Hailans i kisim tok amamas long ol plaua gels bilong Sogomi Viles long BenaBena distrik long taim ol i go lukluk raun long ol fam long hap. *Poto: Sape Metta*

Watpo ol manmeri no save yusim taunam

WANPELA wok sevei o glasim Institut bilong Medikal Risets i karimaut long kantri i soim olsem moa long 80% long ol hauslain husat i gat wanpela taunam o moskito net, tasol daunbilo long 50% i tok ol i save yusim taim ol i silip long nait.

Tim bilong IMR, aninit long stia bilong Dokta Justin Pulford, i bin mekim dispela wok painimaut long ol taun na ples long Hailans rijen, na tu long ol ples nambis.

Long yhilans, ol i sekim ol manmeri long Westen Hailans, na ol arapela ples em Nesenel Kapitel Distrik, Is Sepik, na Morobe.

“Mipela i painim kain kain as watpo ol pipel i no yusim ol taunam bilong ol, tasol em ol samting we i no ol gutpela as long banis agensim sik malaria,” Dokta Pulford i tokim wanpela intanesenel konprens long Rio

de Janeiro long Brasil.

“Sampela no wari long sik malaria bikos ol i lain pinis long en. Sampela i tok olsem ol taunam i hat tumas long hangamapim, o i mekim ples i hot, na i no gutpela long silip, o i mekim rum slip i go liklik gen. Sampela ol lain long taun i tok ol i save yusim ol taunam long bus tasol. Na ol lain long bus i tok olsem ol i pilim mobeta long silip klostu long paia.

“Planti long ol i klia long malaria, na we em i save kamap long en, na ol i klia tu olsem ol taunam i ken givim ol banis, tasol pasin bilong ol i narakain.”

Dokta Pulford i tok bikpela samting em long strongim ol tok stia bilong senisim pasin bilong ol manmeri, bai ol i gat gutpela banis agensim dispela sik, insait long kantri.




PNG SUSTAINABLE DEVELOPMENT PROGRAM LIMITED

Yunaitet Sios Westen Rijen Tisa Trening Program

Long bekim sot long ol praimer skul tisa insait long ol Yunaitet Sios Westen Provins skul, Yunaitet Sios Westen Rijen i askim PNGSDP long givim halivim mani long kirapim wanpela skolasip program bilong ol sumatin Sios yet i makim bilong skul na kisim ol diploma long wok tisa. Ol sumatin bai kisim kontrak bilong wok sevis, bihain long graduesen, insait long wanpela long 14-pela Yunaitet Sios praimer skul inap long faipela yia na moa (em long ol asples viles bilong ol stret).

Sios i askim olsem dispela trening bai kam aninit long Westen Provins Sios Edukesen Ejensi Program.

PNGSDP i kisim toksave long Yunaitet Sios Westen Rijen, olsem ol i makim pinis 20 manmeri bilong skul long Gaulim Tisa Kolis long 2013 i go 2014. Sileksen wok i kamap long laik bilong Yunaitet Sios yet, bihainim ol seket bilong em we 14-pela skul i stap long en.

Sios i toksave olsem ol i mekim ol sileksen bilong ol sumatin bihainim tok orait na wanbel i kam long ol komyuniti, wantaim gutpela luksave long ol savemak bilong olgeta ol dispela kendidet.

Skul fi bilong ol sumatin bai kam long PNGSDP, na tu, wanpela hap bilong ol balus tiket bilong ol. Ol kontribusen long K500 na go antap olgeta yia, i mas kam long ol sumatin o ol famili bilong ol.

Bihainim stia tok bilong Sios, PNGSDP i amamas long tokaut olsem ol dispela 20 apliken bai kisim sapot na halivim aninit long dispela program:

1. Cynthia Sasua (F)	11. Hillary Tabua (F)
2. Segana Wainetti (F)	12. Suez Dewi (M)
3. Higowadi Kesa (F)	13. Akuru Algi (M)
4. Nanctia Derek (F)	14. Mago Muka (F)
5. Bolu Gama (M)	15. Namai Namai (M)
6. Theresa Badia (F)	16. Nancy Aragu (F)
7. Jeremiah Sagere (M)	17. Manson Kolwaku (M)
8. Bani Weni (M)	18. Jordan Gebze (M)
9. Mathew Narame (M)	19. Anthony Baduwame (M)
10. Rawali Ogepawe (M)	20. Nathan Roy (M)

Bikos olgeta wok sileksen i kam long Yunaitet Sios Westen Rijen, olgeta askim i mas go long Rev Bisop Lawes Waia, o Yunaitet Sios Rijen Edukesen Sekreteri Glen Tabua.

PNGSDP i givim tok luksave na hamamas long olgeta sumatin ol i kisim skolasip.

Kas tokaut long Madang PEC kabinet

GAVANA bilong Madang, Jim Kas long las wik i tokaut long nem bilong 10-pela memba Provinsal Eksekutiv Kaunsil (PEC) we em bai go pas long en.

Dispela kabinet em Kas-Wati kabinet, i karamapim ol memba i kam long olgeta distrik bilong Madang, tasol Sumkar tasol i nogat bikos Mista Kas yet i tokaut olsem wanpela long ol dispela presiden em PEC rausim em bikos em i resis long Nesenel Ileksen, na nara-pela tu em PEC i no luksave long em bikos em i kot wantaim Pasifik Marin Industrial Zon (PMIZ) projek. PMIZ em projek bilong gavman na taim lida i mekim olsem em i no inap stap insait long PEC.

Mista Kas i tok dispela nupela PEC memba tim em 10-pela na em nupela namba daunbilo long 12 long pastaim.

Ol nupela PEC memba i gat 8-pela kaunsil presiden we deputi gavana Bob Wati bilong Usino LLG i stap namel long ol na tupela nesenel MP em Mista Kas yet wantaim Memba bilong Usino-Bundi, Anton Yagama.

Ol PEC memba em deputi gavana, Mista Kas yet, husat em siaman bilong Fainens, Baset, Plening, Fores, na Klaimet Senis, Mista Yagama, em siaman bilong Maining, Ges, Petroleum na Pisikol Plening, Mista Wati em siaman bilong Komes, indastri na turism, Mike Kamo, em Madang taun meya na siaman bilong sosel sevises na lo na

oda, Lawrence Konana, husat em LLG presiden bilong labu LLG em siaman bilong distrik sevises; Alex Arumbu, husat em LLG presiden bilong Naho-Rawa em siaman bilong edukesen, Nickson Yiamba, husat em LLG presiden bilong Simbai em siaman bilong HIV na Helt, Flavian Kansingai, husat em presiden bilong Josephstaal LLG em siaman bilong Woks na Trensport, Lau Nangari, presiden bilong Saidor LLG em siaman bilong agrikalsa, fiseris na marin risoses na Amili Deide, presiden bilong Astrolabe Be LLG em siaman bilong Nesenel woks.

Mista Kas i tok sori olsem ol wok olsem siaman i go long olgeta distrik long Madang provins tasol ol i abrusim

Sumkar distrik.

Em i tokaut stret olsem presiden bilong Sumkar i no inap long kisim luksave bikos em i go egensim gavman projek em PMIZ.

Mista Kas i tok PMIZ em bikpela projek bilong gavman long Madang provins na provinsal gavman i mas sapotim na taim presiden bilong Sumkar i no sapotim i min olsem em i egensim gavman na bai i no inap kisim wanpela posisen long PEC.

Long taim em i tokaut long nem bilong ol PEC memba, em i mekim bikpela askim tu i go long ol sinia pablik sevan long Madang long givim sapot bilong ol i go long PEC long mekim ol wok na bringim sevis i go long ol pipel insait long ol distrik long Madang provins.



WOKIM NAU: Projek Menesa, Stanley Gaan bilong Better Roads Construction, wantaim tupela wokman bilong em i sanap long nupela raun-about long Madang. *Poto: James Kila*

Wok long namba wan raun-about long Madang kirap gen

James Kila i raitim

WOK long wokim kamap namba-wan raun-about long Madang taun i stat gen na wok i go orait tasol.

Dispela raun-about i stap long senta bilong 4-pela han-rot i go olsem long Madang ples balus, Not-Kos Bogia Rot, Madang-Ramu Haiwe na rot i go long Madang taun i bin s

Projek Menesa, Stanley Gaan bilong Better Roads Construction Ltd, husat i wokim dispela projek i tok olsem wok i stat gen pinis na ol wokman bilong em i wok hat tru long putim ol simen na stretim dispela bikpela raun-about.

Mista Gaan i tok wok i go het pinis na ol wokman bilong em i no westim taim. Ol i wok hat nau long putim simen na stretim ol faundesen long wokim ailan we i stap sentra long foapela han-rot.

Mista Gaan i tokaut tu olsem maski olsem wok i stop liklik sampela taim, ol wokman bilong em bai gohet

na pinisim wok long taim stret na givim dispela projek i go long ol pablik na pipel bilong Madang provins.

Kos o mani long wokim kamap dispela bikpela projek em K450,000 na mani em Madang Provinsal Gavman i givim i go long Madang Eben Lokal Level Gavman long givim wanpela kontrakta long mekim wok.

Mista Gaan i daunim ol kain kain toktok na tok-baksait ol sampela lain i mekim olsem dispela projek bai no inap pinis long taim.

Em i tok maski olsem kain projek i save kos bikpela mani, ol wokman bilong em bai mekim wok stret bihainim hamas mani ol i kisim na pinisim wok long taim stret.

Em i tok kain bikpela projek long ol arapela senta long PNG olsem Lae os Mosbi bai kos bikpela mani tru. Tasol em i tok ol bai wok bihainim mani mak ol i kisim na traim wokim gutpela wok stret.

Dispela projek i givim gutpela sans na

wok long ol yut na man bilong Bilila Mausrot, husat i wok wantaim Better Roads Constructions Ltd long karimaut dispela wik.

Mista Gaan i tok wok long konstraksen bilong simen ailan long dispela raun-about bai pinis long neks wik na bihain long em ol bai wok long ol splitas.

Em i tok tu olsem dispela NCR-Baidal mausrot long ol yia i go pinis em ples we planti birua long rot o kar i bam i save kamap.

Olsem na kain projek bilong wokim kamap nupela raun-about bai helpim long daunim ol hevi na birua i kamap long rot long dispela eria.

Em bai helpim tu long kontrolim trefik na ron bilong ol kar long dispela foapela han rot.

Mista Gaan i tok nau yet Madang taun i wok long lukim bikpela namba bilong ol kar bikos bisnis na wok bilong komes i go antap. Olsem na kain ol nupela straksa long kontrolim trefik i mas kamap long Madang taun.



PABLIK NOTIS

WOK RISILIM NA WOK STRETIM

DISPELA EM BILONG TOKSAVE LONG OLGETA MANMERI I STAP LONG POT MOSBI, OLSEM OL TREFIK BAI SENIS LIKLIK NAMEL LONG GORDONS RAUNABOUT NA ERIMA JMART RAUNABOUT WE OL WOK RISILIM ROT NA OL ARAPELA WOK STRETIM I GO HET LONG REDI LONG STET VISIT BILONG HIS ROYAL HAINES, PRINCE OF WALES NA DUCHESS OF CORNWELL LONG NAMBA WAN WIK BILONG MUN NOVEMBA.

WOK I KIRAP PINIS LONG GEATAU DRAIV LONG ERIMA I BUNGIM POREPORA FRIWE, NA WOK LONG SIR JOHN GUISE DRIVE, LONG WAIGANI TREFIK LAIT I GO LONG SOMARE FAUNDESEN RAUNABOUT BAI GO HET TUDE (FONDE, OKTOBA 11, 2012).

OLGETA MAN I RON LONG KAR I MAS LUKSAVE LONG OLGETA TREFIK SAIN I STAP PLES KLIA LONG STIAIM YUPELA NA SEFTI BILONG YU, TAIM OL WOK I GO HET LONG NARAPELA TRIPELA WIK I KAM.

MIPELA I SORI LONG DISPELA HEVI, NA I MOBETA OLSEM YU BIHAINIM NARAPELA ROT TAIM YU GO KAM LONG SITI.

TOK ORAIT I KAM LONG:

Mista Joel Luma
Sekreteri

Dipatmen bilong Woks



**Yut, Meri na Famili
wantaim
Lorraine
Siraba**

Sapotim ol grasrut literesi wok

I NO long taim i go pinis, mi bin gat sans long go raun lukim ol ples long Kupiano eria bilong Abau Distrik long Senral Provins, olsem hap bilong risets tim i lukluk long ol lain i save givim ol literesi skul na program. Risets i bin lukluk tu sapos program i helpim pipel o nogat.

Taim mi toktok wantaim ol ples lain, mi bin painimaut olsem planti lain long ples i no save long rit na rait. Dispela toktok i wanbel wantaim wanpela risets we PNG Edukesen Edvokesi Netwok i bin karimaut long 7-pela provins long PNG, na painim aut olsem sampela pikinini save lusim edukesen sistem i no save long rit na rait. Ol NGO i save givim tisa trening long ol literesi tisa long ol distrik aninit long ol sios program, tasol nogat folo ap program, tisa asesmen na sapot. Ministri bilong ol Meri long sios em ol i go hetim strong program long viles level. Ol tisa em ol voluntia na ol i no save kisim pe long wok ol i mekim long kontribut i go long visen bilong gavman husat i laikim pipel bilong PNG i mas save long rit na rait gut.

Ministri bilong ol Meri i luksave olsem nupela teknoloji na developmen i wok long kamap hariap stret na i wok long lusim ol bihain. Olsem Nerolyn, wanpela nupela tisa bilong ples Gavuone, husat i pinisim tisa trening bilong em tasol i tok planti pipel em man na meri wantaim i no save yet long rit na rait. Mipela i laikim ol bai lainim bikos wol i wok lon g senis hariap. Na ol i noken stap bihain.

Tasol maski, nogat man i kodinetim o i nogat straksa lon g ol literesi program long ples, em i kamapim bikipela senis na gutpela samting. Ol literesi tisa na ol sumatin i tokaut olsem ol lain i sindaun long ol adalt literesi kos i lukim planti senis long pasin na lainim gutpela samting. Program i gutpela, tasol em i mas kisim sapot long sait bilong deliverim servis o kisim sevisa i go aut, kurikulum na gutpela trening program.

Ol literesi program long viles em ol i karimaut aninit long ol sios ministri bilong ol meri o ol felosip grup bilong ol meri, na as tingting bilong ol em long helpim long kamapim gut sindaun na laip bilong pipel na tu, strongim ol meri long kamap ol gutpela memba husat i mekim wok insait long sios na konyumiti bilong ol.

I moabeta long sapotim wantaim mani sapos kantri i laik inapim visen long populesen bilong dispela kantri i mas save long rit na rait.

Taim mi toktok wantaim ol literesi tisa, ol i no kisim wanpela helpim lon g ol stekholda patna. Tasol ol pikinini bilong ol tisa i wok i sapotim gut ol mama bilong ol long program. Long wanpela ples, ol elemanteri skul i serim ol steseneri bilong ol wantaim literesi skul.

Tru, i gat ol samting long sait bilong transperensi na rekot bilong yusim mani long en ol i mas stretim long konsaltesen o toktok bilong ol stekholda, tasol tru tru samting em, ol grasrut literesi program i stap na ol i wok long kontribut long kamapim gut laip bilong pipel. Iliteresi o no save long rit na rait we ol atoriti i mas lukluk long en na mekim samting hariap long sapotim ol wok bilong ol NGO netwok na ol lain bilong ol, na moa yet, long putim ol program bilong ol i go insait long ol nesenel program na plen long PNG i ken kamap gut.

Singaut long gavman mas mekim samting long spakbrus

...Sape kros long ol drag bodi bagarapim meri

Veronica Hatutasi i raitim

SINGAUT i go long gavman na ol atoriti i lukautim loa na oda long mekim samting nau na putim strongpela banis long mariwana o spakbrus i wok long bagarapim het bilong ol yangpela, na ol i wokim ol bikipela na nogut trabel insait long siti, komyuniti na kantri.

Na tu, ol meri i gat rait long wokabaut fri nab aim ol samting insait long maket.

Faunda na Presiden bilong PNG Wimen long Bisnis (PNG

WIB), Janet Sape, i wokim dispela singaut bihain long ripot i bin kamap long las wik olsem ol bin repim o bagarapim tupela meri insait long bikipela maket long Mosbi Siti, em Gordons Maket.

"Mi laikim bai gavman i lukluk strong nau long pasin we mariwana o spakbrus i groa fri, smokim na salim long ol strit long Mosbi.

"Mariwana na dringim alkohol o strongpela dring i wok long bagarapim tingting bilong planti yangpela pikinini bilong yumi.

"Mi tok strong long rabisim pasin bilong ol enimal stret we ol yangpela i kisim mariwana na spak nogut tru i mekim long tupela meri.

"Ol meri i mas fri na amamas long raun i go long ol pablik ples olsem long maket long baim o salim ol samting na wokim bisnis na tu, long wokim soping long ol famili bilong ol.

"Ol meri i gat wankain rait olsem ol man na raun fri long mekim wok bilong ol. Ol i save go long maket long salim ol samting, na sapos dispela kain

samting i kamap long kapitil siti em mas kamap long ol narapela provins, tasol ol no save ripotim.

"Mi laikim bai gavman i givim bikipela tingting long lukluk na mekim samting long ol mariwana we i groa fri, ol i kisim na salim long ol strit na kamapim ol hevi. Mariwana na alkohol i wok long bagarapim ol yangpela," Mis Sape i tok.

Em i tok strong long ol polis long painim na givim mekim save long ol lain husat i nogat luksave long ol meri na loa bilong kantri.

Ol meri Sandaun gat sans long wok bisnis

Veronica Hatutasi i raitim

OL meri long Sandaun bai gat sans long lainim rot bilong wokim bisnis na dispela i kamap wantaim helpim bilong opis bilong PNG Wimen long Bisnis (PNGWIB).

Long las wik Fraide, Faunda na Presiden bilong PNGWIB, Janet Sape i bin givim ol sampela buk ol i kolim long "Financial Education Book" i go long Sandaun Gavana, Akmat Mai, bilong givim i go long ol meri husat i gat laik long mekim wok bisnis long provins bilong em.

Mis Sape taim em i autim tok amamas bilong em long Gavana Mai long sapotim PNGWIB, i tok dispela buk em opis bilong em yet i bin glasim, kamapim ol senis na raitim gut gen long helpim ol meri husat i no pinisim skul long ranim na lukautim bisnis.

Em i bilip olsem sampela ol narapela nupela Palamen memba tu bai sapotim PNGWIB.

Em i tok 300 meri i kisim skul long dispela buk na i greduet pinis.

Gavana Mae i bin givim luksave long Mis Sape long bikipela wok em i mekim long sait bilong sapotim ol meri bisnis lain na ol narapela meri insait long dispela kantri. Na tu, long kisim PNGWIB i go long provins bilong em.

Em bin tok Sandaun i stap longwe na ol i no save lukim helpim na developmen, na em i amamas long Mis Sape long tingim ol na lukluk nau long helpim ol meri Sandaun.

Em bin tok kastom bilong PNG i save lukim ol meri olsem ol i stap daumbilo long ol man, tasol dispela i wok long senis nau, na i gat nid long sapotim ol.



PNGWIB GO LONG SANDAUN: Faunda na Bosmeri bilong PNGWIB, Janet Sape insait long wanpela bung wantaim Sandaun Gavana, Akmat Mai.
Poto: Nicky Bernard

TUPELA EM PLANTI TUMAS!

**DAUNIM NAMBA BILONG OL LAIN YU SAVE SILIP RAUN
WANTAIM IGO LONG WANPELA**

**Ol lain yu save silip raun wantaim bai igat ol narapela lain ol save silip raun wantaim tu -
Sapos wanpela bilong ol bin igat HIV, yu bai igat bikipela sans long kisim HIV.**

**Daunim namba bilong ol lain yu save silip raun wantaim igo long wanpela tasol,
emi nambawan rot long**

BANISIM WANEM SAMTING YU LAIKIM STRET.

Learn more at:
www.facebook.com/protectwhatyoulovepng

Fainol tes bilong ol skul sumatin i stat ...Ol Gret 10 i sindaun long dispela wik

TAIM bilong tingting gut na lukim sapos samting ol i lainim long skul em ol i save kisim gut na tu, sapos ol i save wok na stadi hat bai kamap long ples klia.

Dispela em ol skul sumatin long ol praimeri na sekonderi skul insait long kantri we i lukim moa long 45,000 Gred 10 sumatin long 237 skul i statim fainol Iowa Sekonderi Skul Setifiket tes bilong ol long dispela wik Tunde. Ol i sindaun long tes long 11-pela sabjek na olsem, ol bai pinisim sindaun bilong ol long ol tes long neks wik Fraide, Oktoba 19.

OL sabjek we ol i sindaun

long ol tes long ol em, Inglis, Mets, Saiens, Sosel Saiens, Bisnis Stadis, Agrikalsa, Preltikel Skils, Ekspresive Ats, Home Ikonomiks na Pesenel Developmen.

Ol tes i sapos long kamap long las wik, tasol bikos long sampela asua, ol bin surukim tes taim i kam long dispela wik.

Bikos i gat planti sumatin na i nogat inap Apa Sekonderi Skul na olsem, nogat inap spes, Ekting Edukesen Sekreteri, Luke Taita, i tok ol sumaitn i mas kisim ol gutpela mak long go long ol spes i stap long mekim Gret 11.

Mista taita i tok wokim ol fain-

ol tes i bikpela samting long wanem, dispela em i rot long glasim na skelim sapos ol sumatin i lainim samting we i stap long skul karukulum long ol wan wan level bilong skul.

Long tupela wik i kam na i stat long Mande Oktoba 22 inap long Fraide Novemba 2, 2012, moa long 17,000 Gred 12 sumatin long 116 skul bai sindaun long Apa Sekonderi Skul Setifiket tes bilong ol.

Na long Novemba 5 inap long de namba 8, moa long 100,402 Gret 8 sumatin bilong 2,480 praimeri skul bai sindaun long ol tes bilong ol.

Wol Visen PNG bai stap ...Minista saptim NTP

HELT Minista, Michael Malabag bai givim ful ripot bilong Nesenel Tubakulosis (TB) program (NTB) we Global Fan i fandim long en.

Minista Malabag i tok em i wari long sik TB we i isi long wanpela man i givim long narapela na em bai mekim ol samting long lukim olsem nogat samting i bagarapim NTP.

Minista Malabag i bekim ol wari we Praim Minista, Peter O'Neill i bin gat long las wik taim em i harim olseme oge-naisesen we i save go hetim NTP program em Wol Visen PNG, i pinis long karimaut dispela program.

Stat yet long las yia, Wol Visen PNG i wok long kisim bikpela gren

mani i kam long Global Fan long karimaut ol wok ektiviti program long olgeta provins bilong PNG aninit long Global Fan TB Raun 6.

Mista Malabag i tok Wol Visen PNG i no lusim PNG na em bai go het long saptim NTP inap long mun Mas neks yia, 2013 na i go moa yet. Global Fan bai givim fainensal saptim long narapela 6-pela mun i kam.

Minista Malabag i tok stat yet long yia 2007, sampela gutpela samting i bin kamap aninit long Global Fanding Raun 6 grent we ol program bilon g TB i go nau long olgeta provins, painim ol TB keis na long ol i kamap orait, wok wantaim long TB na HIV

na bildim ol wok lain na wok awenes.

Em i tok long namba wan taim, i gat data o ripot long TB tretmen na autkam o wanem samting bai kamap i stap nau na dispela i karamapim olgeta provins.

Minista Malabag i tok PNG i no sot long TB marasin long wanem, gavman i save baim na salim olgeta TB drag i go long ol provins.

Em i tok NTP na Dipatmen bilong Helt (DOH) i gat pinis rot long tilim ol TB drag o marasin na ol i yusim mani bilong gavman long wokim ol dispela.

Em i Helt Dipatmen bai go het long strongim ol inta program patnasip na na muvin ol risos olsem i stap aninit long Nesenel Helt Plen.

Pikinini nidim helpim long oraitim kuru long het



Liklik boi Samson Morgan i nidim helpim stret long sken na stretim kuru bilong em. *Poto: James Kila*

James Kila i raitim

WANPELA smatpela liklik boi husat i gat 12-pela krismas i nidim tru helpim long stap laip na

kamap gutpela man long bihain taim.

Nem bilong dispela boi em Samson. Em naispela boi husat i save laikim tru long pilai wantaim

ol brata na susa bilong em. Em i boi bilong smail, lap na amamas oltaim na mekim pani nabaut wantaim ol pren bilong em.

Tasol sampela mun i go pinis,

turangu dispela boi i wok long pilim sik na trauf na wok long airaun na pundaun. Pes bilong em tu i go senis na em i no save pilim gut na em i luk sik oltaim.

Taim ol papamama bilong em i lukim olsem ol i bringim Samson i go long Modilon Jeneral Haus Sik long Madang. Long haus sik dokta we i save glasim Samson i ting olsem i gat sampela wara nogut i stap long het kuru bilong em, na em i nidim sken o moa glasim i mas kamap long het bilong em.

Modilon Haus Sik long Madang i nogat kain masin long glasim gut kuru long het bilong Samson, olsem na papa bilong em, Peter Morgan i tingting long karim em i go daun long Mosbi long Pasific

Intanesenel Haus Sik (PIH) long ol dokta i ken mekim sken o glasim wanem asua i stap long het kuru bilong Samson.

Nau yet Peter i nidim sampela kain helpim long bringim pikinini man bilong em Samson i go daun long Mosbi long kisim medikal helpim.

Olsem na em i laik raitim leta i go long gutpela Kristen manmeri na ol sampela pren na bisnis haus long helpim em long bringim boi bilong em i go kisim gutpela medikal tritmen na sekap long het bilong em long PIH long Mosbi.

Long nau yet, Mista Morgan i nidim tru sampela mani long bringim pikinini bilong em i go daun long Mosbi.

Peter i stori long

Wantok Niuspepa olsem balus fea bilong em wantaim Samson long go daun long Mosbi na go bek long Madang em K1690.

Mani ol bai nidim long sken o sekim na klinim het bilong Samson long PIH em K1000 na wanem mani papa na pikinini bai yusim long stap slip, kisim kaikai na peim bas fea i go kam em K1000.

Olsem na olgeta kos bilong go daun long Mosbi em K3,690.

Sapos yu gutpela Kristen man o meri husat i laik helpim Samson en akaun namba bilong papa bilong em i stap hia.

Nem bilong akaunt em Peter Morgon, akaun namba em 6001705328...Westpac Bank.

Laki de bilong ai nogut lain...

Em i laki de bilong ol lain i gat sik o hevi long ai bikos long tude, yu husat i stap long Mosbi siti na Buka i ken go kisim fri ai tes.

Tude em i World Sight Day na i gat ol program na ektiviti long Mosbi Siti na Buka Bel Isi Pak long luk-save long dispela de.

Kwalifad PNG Eye Care tim long Mosbi bai stap long Tabari Place long lukim ol lain i gat sik long ai na karimaut ol fri ai tes, stat long 9 kilok moning inap long 12 kilok belotaim. Sen John Blain

Sevis i patna wantaim PNG Eye Care long karimaut dispela program. Long Buka, Buka Jenerel Haus sik i patna wantaim Brien Holden Visin Institut long karimaut program tude.

Planti lain long dispela kantri i gat sik long ai na man i no lukluk gut, tasol ol pipel i ting olsem em i nomol long pipel i wok long go lapun na i no lukluk gut. Tasol helpim i stap sapos yu kisim ol rait glas na liklik operesen.

World Sight Day em i wanpela de i kamap wan-

pela taim olgeta yia long resim awenes long ol hevi long ai we i wok long kamapim hevi long ol famili na komyniti, na pasin turangu tu i bihainim dispela kain hevi.

Operesen Menesa bilong PNG Eye Care, Eileen Tugum, i tok "sik na hevi long ai i wanpela hevi i hait i stap na long dispela taim, ol manmeri i no bisi tumas long en. Tasol em i wanpela developmen wari n a hevi long wanem, em i dsaunim kwaliti bilong laip bilong pipelna kamapim hevi tu long inapim ol wok

kamap bilong millennium developmen gols i go long poveti o pasin turangu".

Mis Tugum i bilip olsem wantaim ol narapela NGO, ol ken wok wantaim gavman long kisim moa risos bilong lukautim ai sevis n a kamapim gut ol ai kea sevis long PNG.

Mis Tugum i tok tupela bikpela hevi long dispela kantri long sait bilong ai em long ei i no lukluk gut i sanap long 35.2 pesen na ol man wantaim hevi long ai i nidim ol glas em i

sanap long 45.7 pesen mak.

PNG Eye Care em i wanpela Non Gavman Ogenaisesen bilong PNG yet we i wok wantiam ol bikpela gavman haus sik long edresim hevi long ai na man i no lukluk gut taim em i givim ol ai glas long pipel wantaim hevi (long ai) na tu, em i helpim long kamapim moa ai kea sevis long dispela kantri. Em i save helpim tu long salim ol lain i gat sik long ai i go long ol dokta na haus sik.

Ol yangpela MSC seminari kisim salens

Veronica Hatutasi i raitim

OL MISINARIS bilong Sekret Hat (MSC) Kolis long Bomana ausait long Mosbi i kisim salens long bihainim gutpela piksa long wok na pasin bilong ol pas-taim misinari na skruim wok long sevim Bikman, pipel na kantri.

Sister Helen Warman bilong Australia tasol i wanpela long taim misinari na wokmeri long Nesenel Katolik Edukesen Ejensi opis long Mosbi na i wok wantaim ol MSC Bruder na Sister i wokim dispela toktok long las wik Sarere insait long 50 yia selebren bilong MSC Kolis long Bomana ausait long Mosbi siti.

“Ol sumatin i skul long MSC Kolis i gat bikipela wok.

“MI askim strong ol dispela sumatin long lukluk bek long ol gutpela misinari man husat i bin bildim faundes bilong sios na kolis long ol nau sumatin long bihainim gutpela piksa, pasin na wok bilong ol,” Sister Helen i tok.

Long wankain taim tu, Bisop bilong Kerema husat i bin go pas long Misa lotu bilong selebretim 50 krismas bilong DBC, Bisop Patrick Taval, i bin askim ol Katolik bilip manmeri i bin stap long sios sevis long moa vokesen i go long pater na ol rilijes na wok bilong ol MSC kongriksen em ol i ken skruim i go moa we nau, em i go aut long kantri tu.

“Singaut i go long ol famili na komyuniti long tingting na ofaim ol yangpela bilong ol i go long ol rilijes vokesen. Pre strong long kantri i ken kamapim moa yangpela pipel i go insait long MSC kongriksen na ol i ken kisim Santu Hat bilong Jisas long planti moa pipel i ken save long en na laikim,” Bisop Patrick i bin tok.

Em bin tok kongriksen long PNG PNG i kamap wantaim helpim bilong 4-pela Mada Provinsel long wol em long Frans, Germani, Australia na Amerika Provins.



Bisop Arnold Orowae, Minista bilong Helt na HIV Michaela Malabag na Peris Pris bilong Sen Martin de Porres blesim nupela grotto. *Poto Nicky Bernard.*

Sen Martin de Porres amamas de bilong em

Nicky Bernard i raitim

Sen Martin de Porres peris long Morata i amamasim de bilong sios bilong ol long las wik Sande, tu wantaim nupela groto we ol opim tu long dispela de.

Sen Martin de Porres peris i save lukautim olgeta Morata eria. Na long amamasim de bilong em, olgeta hap long Morata na Waigani bin go stap long selebren long sios graun.

Selebren i bin stat long moning wantaim lotu misa na bihain opim bilong groto na ol bin pinisim wantaim ol pilai na danis singsing.

Bisop bilong Wabag, Bisop Arnold Orowae i bin go pas long misa na blesing bilong grotto wantaim helpim bilong peris pater bilong Morata yet.

Pater bilong Sen Martin de Porres i tokim ol lain long Morata olsem nau ol gat dispela nupela groto wantaim Mama Maria olgeta mas kam na pre long en.

Em tok dispela Mama Maria em ol yet bin hat wok na kisim. Na em no laik lukim i sanap nating tasol long sait bilong haus lotu.

Dispela nupela groto na Mama Maria em ol Sen Martin de Pores peris yet i bungim mani na kisim dispela ol nupela samting.



WES PAPUA: Ol deleget bilong Wes Papua i redi long go bek long ples bilong ol bihain long konprens na ol i tok gutbai long ol poromeri bilong ol. *Poto: Paulus Tali*

Boana ELC Distrik bai kisim 2014 meri konprens

Paulus Tali i raitim

EVANJELIKAL Lutheran Sios (ELC PNG) namba 13 konprens bilong ol meri i bin kamap gut na pinis long las wik long Mumeng ELC PNG Distrik, Morobe Provins.

Wanpela wik konprens i bin lukim ol meri i kam long ol wan wan distrik na tu, wanpela ELC meri grup bilong Wes Papua tu i bin go kamap long en.

Konprens i save kamap bihain long tupela yia, na bung i bin makim Boana ELC Distrik long Morobe Provins long lukautim bung bai kamap long 2014.

Bihain long tokaut olsem Buana ELC Distrik bai lukautim neks bung, ol lain Kristen bilong Meneyama long Mumeng Distrik i bin singsing danis na givim hap palang i go long ol lain bilong Boana Distrik.

Long wain kain taim, em wanpela amamas na sori taim tu long lukim olgeta meri i kam long wan wan distrik i bung long konprens.

Na taim ol i go bek long ol wan wan ples bilong ol, ol meri i luk sori na wari long ol yet taim ol lusim planti ol nupela poroman ol i mekim long dispela taim.

Mumeng ELC Distrik presiden,

Pasto Robert Gisingtau i bin kisim pes bilong olgeta Kristen bilong ELC Mumeng Distrik, na autim tok tenkyu long kamap bilong ol meri long narapela distrik long bung we i wanpela bikipela bung Mumeng distrik i bin holim long luk luk gen long nupela wokabaut ol ELC meri i wokim insait long sios, long Meri.

Taim em i Pasto Robert i bin autim tok tenkyu i go long Bulolo memba na deputi Oposisen lida, Sam Basil, husat i trupela pikinini Lutheran man i save givim bikipela sapot long sios ministri insait long Mumeng Distrik.

Em bin skruim tok tenkyu i go

long Morobe Maining Join Venture long sapot bilong ol na tu ,ol liklik bisnis man long Mumeng, Bulolo, na ol Kristen tu husat i givim sapot long ron bilong konprens namba 13 i bin kamap pinis. Long dispela bung i pinis tasol, Pasto Robert i autim tok tenkyu long namba 13 konprens i bin kamap gut.

Presiden Robert i bin makim maus bilong olgeta Mumeng distrik Lutheran Sios memba na tok tenkyu i go long hetmeri bilong Boana distrik husat bai lukautim konprens long 2014.

Em bin tok nau yu kamap na yu luksave long hevi mipela i karim,

tasol nau yupela bai kisim hap palang i go, na yumi ken lukim pes long 2014 long Boana Distrik.

Yangpela het lida bilong Mumeng distrik, Christhine Mol, i bin em i yangpela meri tasol em i lukim kain wokabaut bilong konprens na em i amamas long lukaut bilong Bikipela long lain bilong em i go long Mumeng konprens.

Em bin tok tenkyu i go long presiden bilong Mumeng Lutheran Distrik, Reveran Gisintau, long sapot, bilong ol olsem na long Mista Basil long sapot bilong em nau na long planti arapela taim long ol sios wok.



TOK PISIN NEWS
from Radio Australia
radioaustralia.net.au



Listen TOK Pisin long
Radio Australia
101.9FM
Port Moresby

Tok Pisin Service
6am - 7am 666 22 AUGUST 2012
7am - 9pm 666 22 AUGUST 2012

Filipins i pasim pis dil wantaim ol rebel

GAVMAN bilong Filipins i makim wampela tok orait long painim bel isi o pis, wantaim bikipela rebel grup bilong paitim gavman insait long 40 yia, kilim moa long 150,000 pipel.

Filipins Presiden, Benigno Aquino, i tokaut long wampela agrimen bilong painim pis wantaim bikipela Muslim rebel grup bilong kantri.

Dispela dil i bihainim wampela longpela na hatpela wokbung namel long gavman na Moro Islamic Liberation Front long pinisim 40 yia bilong pait agensim ol yet.

Agrimen nau i stiaim rot bilong kamapim wampela nupela otonomes rijen insait long sauten hap bilong kantri we i gat bikipela populesen bilong Muslim pipel.

Ol i bilip ol bai sainim dispela agrimen sampela taim long dispela wik.



OL BAI KAM: Camilla, Duchess of Cornwall, na Prins Charles, tupela bai kam raun lukim Pot Mosbi.

Vanuatu Polis Komisina i pinis long wok

PRESIDEN bilong Vanuatu i pinisim Polis Komisina, Joshua Bong, bihain long wampela wik bilong ol toktok kros insait long polis fos bilong kantri.

Presiden bilong Vanuatu, Iolu Johnson Abil i rausim Joshua Bong long opis bilong Polis Komisina bihain long em i sainim pas bilong pinis wok long Fraide.

Deputi Arthur Caulton, husat i bin bosim dispela wok long sampela mun taim ol i bin saspensim Mista Bong long wok.

Bihain long dispela kros namel long Polis Sevises Komisin na Intiria Ministri long sapos Mista Caulton bai holim wok o Mista Bong, presiden bilong kantri i bin go insait long dispela hevi long stretim kros.

Presiden Iolu Johnson Abil i tok Mista Caulton bai wok olsem ekting polis komisina i go inap ol i makim wampela nupela opisa.

Mista Caulton bai kamap long Suprim Kot long neks wik long fesim ol mutini sas agensim em, em Mista Bong i sasim i go long en.

Melbourne Storm kepten i winim Player of the Year awod

Cameron Smith i winim dispela awod bihain long Storm i bin winim premiership victory na lidim Queensland igo long namba 7 win blong State of Origin series ken long dispela yar 2012.

Smith tu i bin winim Dally M Hooker of the Year awod.

Dispela em i namba 5 taim Cameron Smith i winim dispela bilipela luksave bilong Melbourne Storm, we em i bin kisim 28, namba tu, Ryan Hoffman i kisim 26 na Clive Churchill medalis, Cooper Cronk, i kisim 23 vot.

Smith tu i bin winim dispela awod long 2005 i go long 2007 na las yia sisen.

Insait long ol arapela awod em ol i bin tokaut insait long bung long Melbourne Convention Centre long Fraide, Hoffman i bin kisim mak bilong 'best forward' na Cronk 'best back'.

Mahe Fonua, krismas bilong

en 19, na wampela wampela insait long Viktoria junia sistem, i winim Rookie of the Year awod.

Long dispela bung tu, Melbourne Storm i tok pilai meka, Brett Finch bai joinim ol gen long sisen 2013.

PNG na Australia i wok- bung long stopim korapsen

TUPELA kantri i wanbel long mekim moa long pait agensim korapsen insait long olgeta AusAID progrem bilong Australia long Papua Niugini.

Australia na Papua Niugini i pasim tok orait pinis long mekim bikipela ol wok bilong pait agensim frod na korapsen long mani i kam long eid progrem bilong Australia long Papua Niugini.

I tru level bilong frod long foren eid progrem bilong Australia i liklik, planti long ol kes ol i painim aut i kamap insait long PNG.

Long dispela yia, AusAID bai spendim klostu hap bilian dola long PNG na tupela gavman i

sainim wampela agrimen long pasim frod na korapsen.

Dairekta bilong AusAID, Peter Baxter, i tok, namel long en i mas i gat komitmen long investiget na bringim ol dispela i mekim rong i go long kot.

Nesenel Plening Minista bilong Papua Niugini, Charles Abel, i tok dispela agrimen bai fit gut wantaim anti-korapsen plen em gavman bilong em i gat pinis.

Prins Charles na meri bilong en Camilla bai go raun long Boera viles

PAPUA Niugini i wok long rereim na klinim ol rot na ples long tok welkam long Prins Charles na meri bilong en, Camilla, Duchess of Cornwall, long dispela mun.

Camilla, Duchess of Cornwall, na Prins Charles, tupela bai kam raun lukim Pot Mosbi.

Prins Charles na Camilla, bai stap tasol long Pot Mosbi.

Bikipela hap bilong Papua Niugini raun bai kisim ol i go long wampela Sentral viles, Boera

Hanua, ausait long Pot Mosbi siti na tu, bai ol i go long wampela nesenel pak long lukim sampela flawa na enimal bilong kantri.

Dispela sotpela lukluk raun i go long Papua Niugini i no nupela long Prins Charles. Tasol em bai namba wan taim bilong meri bilong em long kam long Papua Niugini.

Pasifik disebol lain i toktok strong long halivim

DISPELA wik long kapitela bilong Papua Niugini, namba tu bikipela miting bilong Forum Disabiliti Ministas i bin hamarim planti long ol wari na halivim ol disebol lain i save bungim.

Wok bilong kamapim gut laip bilong ol pipel wantaim sampela bagarap long bodi bilong ol insait long Pasifik i wok long kamap strong moa.

Menesa bilong Papua Niugini Asembli ov Disebol Pesens Ogenaisesen, Ipul Powaseu, i tok i gat planti wok i stap raun long Pasifik em ol disebol pipel i no yet lukim ol senis.

PacificBEAT

4.5. 6am & 6pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs, including interviews with political leaders, newsmakers, and the people who make the Pacific beat.



Solwara maining winim save bilong yumi

Planti toktok i kamap pinis long gutpela na nogut bilong si bed maining we bai kamap namel long solwara bilong Nu Allans provins kam olsem long Manus, Madang na Wes Nu Briten provins.

Dispela em wanpela kain maining projek we bai kamap aninit long solwara na yumi ol pipel bilong Papua Niugini no save lukim kain projek olsem bipo long laip bilong yumi. Em ol bikipela mama maining kampani insait long wol save mekim kain maining olsem aninit long solwara.

Tingim, solwara em i no wankain olsem graun we yumi wanwan famili o klen i gat nem olsem papagraun. Solwara em bikipela wara tasol na graun aninit long solwara em husat i papagraun. Tumbuna bilong husat save raun long dispela graun bipo na planim kokonas o kaukau o tanget o kain samting olsem. Ating ol pis em bilong yumi tu o nogat?. Mi no klia tumas long dispela tasol gutpela moa long gavman wantaim ol saveman bilong kain



maining olsem mas toktok klia long yumi ol grasrut bai yumi ken kisim save.

Nogut bai maining kampani bai kisim ol oil na ges aninit long solwara na no inap peim wanpela man long ples bikos ol save olsem yumi no papa-graun long ol graun aninit long solwara.

Gavman bilong Papua Niugini i sainim agrimen pinis wantaim dispela maining kampani long karimaut wok bilong drilim paip go daun long graun aninit long solwara long pulim oil na ges kam antap long sip bilong ol.

Ating gavman bilong Papua Niugini save olsem em bai kisim bikipela mani long dispela wok maining we

ol pipel i no papa long graun, solwara na ol pis na rif.

Tasol bai i gat sampela hevi i kamap long laip na sindaun bilong ol ples na pipel i stap long ol nambis bilong ol dispela provins o nogat? Long liklik tingting tasol, sapos masin i digim hul long graun aninit long solwara, bai dispela hul i daunim ol wara go daun. Ating bai solwara bai rives liklik go bek lusim nambis bikos bikipela hul i daunim wara go daun.

Bai i gat ol doti na bagarap long aninit we inap bagarap ol kaikai bilong ol pis na abus bilong solwara o nogat?. Sapos oil na ges i lik aninit long solwara bai i poisin kamap long solwara na ol abus na rif o nogat?.

Bai masin i brukim ol maunten na graun aninit long solwara o nogat?. Na ol pipia bai ol bungim long we?.

Em ol liklik askim tasol bilong yumi ol liklik manmeri bilong Papua Niugini na moabeta ol saveman bilong kain bikipela projek olsem wantaim gavman mas skulim

yumi liklik long kisim liklik moa save long kain mama maining olsem.

Em samting bilong ol waitman we ol gat bikipela save na ol save mekim long planti hap bilong wol we save bilong yumi i tamblo tumas long klia long dispela kain wok.

Tingim tasol, em bikipela wok maining na traipela mani ol bai kisim na bai yumi ol grasrut bilong Papua Niugini bai kisim liklik loyolti tu o nogat?.

Dispela maining nau bai winim tru save bilong yumi ol pipel nau olsem yumi ol pipel mas toktok strong long moa toktok na tok klia mas kam long yumi. Pulim straik antap long solwara tu i no seif long yumi olgeta bikos kanu bai kapsait na yumi inap drink solwara na sotwin sapos polis ronim yumi.

Olgeta Provinsel Gavman na ol memba na ol saveman bilong PNG mas mekim eksen nau na kam klia long ol pipel bilong Papua Niugini long dispela bikipela mama projek.



KOMENTRI

Yumi danis long musik bilong husat?

MUSIK i pilai, na yumi wok danis i stap. Tasol yumi danis bihainim musik bilong husat tru?

Insait long tupela o tripela wik i kam, banis bilong lukautim ol lain i tok ol em ol tru tru refuji, na laik ronawe i go long Australia, bai op.

Dispela banis long Lombrum long Manus, ol lain long Australia i tok em bai inap holim 600 manmeri long wanwan taim.

Asde nait, Australia Palamen i tok oraitim go het bilong Manus projek, bihain long Imigresen minista bilong ol, Chris Bowen, i bin kam na bung wantaim Prais Minista Peter O'Neill long wik i go pinis.

Long wankain taim Australia palamen i wok tok pait long dispela wok long kirap, i gat wanpela amenmen tu i kam long Greens pati bilong Australia long makim taim ol dispela ol refuji bai stap long Manus, na long graun bilong Papua Niugini.

Ol i laik kisim tok orait bilong palamen long sindaunim ol dispela lain inap long wanpela yia o 12-pela mun olgeta.

Em nau, yumi mas askim, husat i wok long pilaim musik, na husat i wok long danis.

Insait long olgeta tok-paitim namel long ol ol lain Australia, na ol lidaman bilong yumi long PNG, yumi wok long harim ol toktok olsem: 'pasin brata', o 'pasin wansolwara', na ol arapela as long mipela PNG i opim dua long hevi bilong Australia, na slekim wari bilong ol.

Tasol nau, i luk olsem ol i wok long traime wasim han bilong ol tu long lukautim ol dispela lain turangu i ronawe lusim ples bilong ol.

Ol saveman bilong loa long ples bilong yumi i tokaut pinis, olsem i nogat wanpela loa bilong holim kalabusim ol man nating, taim ol i no mekim rong.

Nau, Prais Minista O'Neill i tokim mipela PNG, olsem ol lain i go stap long Manus, bai no inap long pas insait long banis tasol. Nogat. Ol bai inap long raun nabaut long Lorengau, na ol arapela hap long provins.

Na sapos wanpela long ol i bungim birua, em bai olsem wanem?

Insait long olgeta dispela toktok long opim Manus ailan 'asailam senta', we bipo, Australia yet i bin kolim 'ditensen senta', yumi long PNG i no save wanem kain gutpela yumi bai kisim long dispela wok pren.

Nau yumi wok harim PM i toktok strong long Australia i mas daunim ol banis bilong em long PNG manmeri i ken kisim visa o pepa long go kam long Australia.

Em tasol, wanpela gutpela samting yumi bai kisim?



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Wol nius long poto...



Berlin Festival ov lait soim kala

BRANDENBURGER Get long Berlin, i lait gut tru long kain kain kala lait long Sande. Ol teknisen i laitim long traim strong bilong en long stap insait long Festival bilong Lait.



Sekyuriti bikpela samting long Shanghai

SWIS wol namba wan tenis pilaia, Roger Federer i bin raun i go pilai long Shanghai, long kantri Saina, na maski em i wokabaut bihain long em i trening, ol sekyuriti man i no isi long was long en.



Lotu bilong ol enimal long Frans

GIL Florini, wanpela pater long Saint-Pierre-d'Arene's, i blesim wanpela hos long wanpela mis bi-long ol enimal long ples Nis (Nice), long Frans, long Sande



Protesta tromoi ston long ol polis long Gris

WANPELA protesta i tromoi wanpela ston long raiot polis long Athens long wanpela demonstresen agensim raun bilong Jeman Sansela, Angela Merkel long Oktoba 9, 2012.



Ol i pasim kalap bilong man long las minit

FELIX Baumgartner, wanpela man husat i wok redi long kalap i kam aut long arere tru bilong spes, i wet long Sande. Dispela kalap bilong em, ol i no orait long mekim, bihain long ol bikpela win i ron i go kam, na i mekim hat long em i opim 834,497 kubik mita balun bilong karim em i go antap.



Polis kar i paia long bikpela raiot long Tunisia

WANPELA polis kar i paia bihain long ol protesta i kukim. Ol protesta i pait strong agensim opim gen bilong wanpela ples pipia long Guellala, long wanpela ailan ol i kolim Dierba, long Tunisia, las wik Sarere.

[illegible]

TORO



BIABIA



KANAGE



TOKWIN

Godens maket stori i tru o nogat?

Dispela wik yumi harim olsem wanpela mama ol i bagarapim em long Godens maket we i kirapim bikpela toktok stret i tru o nogat.

Nau yet Suprintendent bilong Polis long Midia i mekim wanpela bikpela toktok long dispela asua i kamap

long Godens maket i no tru. Bikos em i no kism wanpela polis ripot long dispela asua i kamap.

Em i kirap na tok husat i witnesim dispela asua i kamap long Godens maket mas kam na mekim ripot o dispela mama na wantok bilong em mas kam na mekim ripot.

Nau yet em i no lukim wanpela ripot na salim toksave long olgeta midia long tokaut husta

tru dispela ripota i mekim dispela stori long National pepa kirapim bikpela wari, pret na kros i kamap long pablik we i daunim polis dipatmen long ol i no mekim wok bilong ol. Dispela stori tu i kamap long ovasis pepa we i daunim yumi ol Papua Niugini long pasin bilong yumi olsem ol kanak na olsem ol pik na dok.

Tokwin Tasol...

A	T	R	I	T	I	F	T	Y	T	F	S	I	A	S	E	A
A	J	L	S	M	N	A	L	E	I	W	L	F	L	J	L	I
I	T	F	A	E	S	F	L	V	A	A	A	X	N	I		
I	A	S	A	H	J	S	L	C	A	U	G	N	S	I		
S	E	C	U	L	I											
S	C	T	U	L	H	I	J	T	C	S	J	A	C	I	S	
A	T	S	O	J	E			W	A	T	C	F	C	T	F	P
L	I	J	L	J	A			M	A	S	C	L	L	L	L	V
I	T	L	I	H	I			K	S	H	E	H	I	S	T	S
S	J	L	S	S	S			C	E	W	T	E	D	O	E	C
S	J	O	L	O	D	C	V	I	K	A	E	I	J	I	O	
S	Y	E	F	H	H			I	L	C	H	K	C	Y	L	S
I	K	J	A	C	L	K	H	O	B	S	C	A	L	A		
T	E	C	F	A	T	I		J	N	E	D	A	L	L	S	A
W	S	E	A	S				J	N	E	D	A	L	L	S	A
A	L		I	L	U	O		I	E	A	H	N	S	I	S	E

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAIR	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LAP JAKET	EA HOSTES	PAILOT	SUTKES

2		4	9	6		1		5
	3			8				
	8	1				4	9	
7			1	4			3	9
		3		9		2		
9	6			3	2			1
	2	7				3	6	
				7			1	
3		6		1	4	8		

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol

T	A	R	A	G	A	U	B	I	L	O	N	G	N	A	I	T
				S												
K				E				K	U	M	U	L			P	
A				K	A	L	A	N	G	A	R				I	
A				A												
				K	O	K	O	M	O			S	I		K	
R				T							A	N		K	O	
G	U	R	I	A		A				R				A	K	
K								R		6				P	I	V
								A						B	I	V
				P	A	T	O	L		6						
I				O	E					A	A			I	B	
A				K	P						U	L			U	
N				T	T			K	A	K	A	T	U		K	
A	O			I							S				A	
K				A												
W				S	U	B		G	N	O	L	I	B	L	U	A

EMTV Television Guide

MANDE 8 OKTOBA, 2012

4:57 AM	G STATION OPEN
5:00 AM	G JOYCE MEYER
5:30 AM	G EMTV NEWS REPLAY
6:00 AM	G TODAY
9:00 AM	G CLASSROOM BROADCAST

9:00 – 9:40	GRADE 7 MATHEMATICS
9:50 – 10:30	GRADE 7 SCIENCE
10:40 – 11:15	GRADE 8 MATHEMATICS
11:20 – 12:00	GRADE 8 SCIENCE

1PM – 3PM G C/B-CASTS continues.....

1:00 – 1:40	GRADE 6 MATHEMATICS
1:50 – 2:30	GRADE 6 SCIENCE
2:30 – 3:00	DEPI
3:00 PM	G KIDS KONA
	3:00 PM DORA THE EXPLORER
	3:30PM NEW MACDONALD'S FARM
	4:00PM THE SHAK

4:30PM	KITCHEN WHIZ
5:00 PM	G FUNNIEST HOME VIDEO SHOW
5:30 PM	G TRAPPED Ep#14
5:57 PM	G CRIME STOPPERS
6:00 PM	G EMTV NATIONAL NEWS
7:00 PM	PGR ONCE UPON A TIME #9/22
8:00 PM	PGR ONCE UPON A TIME #10/22
9:00 PM	G TOK PIKSA
9:30 PM	G SPORTS SCENE
9:57 PM	G EMTV TOKSAVE
10:00 PM	G EMTV NEWS REPLAY
11:00 PM	AUSTRALIA NETWORK

TUNDE 9 OKTOBA, 2012

5:57 AM	G STATION OPEN
5:00 AM	G JOYCE MEYER
5:30 AM	G EMTV NEWS REPLAY
6:30 AM	G TODAY
9:00 AM	G CLASSROOM BROADCAST
9:00 – 9:40	GRADE 7 MATHEMATICS
9:50 – 10:30	GRADE 7 SCIENCE

10:40 – 11:15	GRADE 8 MATHEMATICS
11:20 – 12:00	GRADE 8 SCIENCE
1PM – 3PM	G C/B-CASTS continues.....
1:00 – 1:40	GRADE 6 MATHEMATICS
1:50 – 2:30	GRADE 6 SCIENCE
2:30 – 3:00	DEPI

3:00 PM	G KIDS KONA
	3:00 PM DORA THE EXPLORER
	3:30PM NEW MACDONALD'S FARM
	4:00PM THE SHAK
	4:30PM KITCHEN WHIZ
	G FUNNIEST HOME VIDEO SHOW
	G TRAPPED #15
	G EMTV NATIONAL NEWS
	G HAUS & HOME #22
	G BUSINESS PNG EP#20
	PGR TERRA NOVA S1 – Ep#
	PGR LEGENDS OF THE SEEKER S2
	G EMTV NEWS REPLAY
	G AUSTRALIA NETWORK

5:00 PM

5:30 PM

6:00 PM

7:00 PM

7:30 PM

8:00 PM

9:00 PM

10:00 PM

11:00 PM

TRINDE 10 OKTOBA, 2012

5:57 AM	G STATION OPEN
5:00 AM	G JOYCE MEYER
5:30 AM	G EMTV NEWS REPLAY
6:30 AM	G TODAY
9:00 AM	G CLASSROOM BROADCAST
9:00 – 9:40	GRADE 7 MATHEMATICS
9:50 – 10:30	GRADE 7 SCIENCE
10:40 – 11:15	GRADE 8 MATHEMATICS
11:20 – 12:00	GRADE 8 SCIENCE
1PM – 3PM	G C/BROADCASTS continues.....
1:00 – 1:40	GRADE 6 MATHEMATICS
1:50 – 2:30	GRADE 6 SCIENCE
2:30 – 3:00	DEPI
3:00 PM	G KIDS KONA
	3:00 PM DORA THE EXPLORER
	3:30PM NEW MACDONALD'S FARM
	4:00PM THE SHAK
	4:30PM MR. MAKER
	G FUNNIEST HOME VIDEO SHOW
	G TRAPPED #16
	G CRIME STOPPERS
	G EMTV NATIONAL NEWS

5:00 PM

5:30 PM

5:57 PM

6:00 PM

7:00 PM	G FACT FILES #2
	Elizabeth the Diplomat
8:00 PM	PGR DANGEROUS DRIVER'S SCHOOL – PREMIERS....

9:00 PM	G EMTV NEWS REPLAY....
10:00 PM	AUSTRALIA NETWORK

Ol Progam na Kilok i ken senis oltaim...

De Boismenu Kolis kisim helpim long kamapim gut skul na wok mentenens ...Dion na Chow givim sapot

Veronica Hatutasi i raitim

DE BOISMENU Katolik Kolis (DBCC) long Bomana ausait long Mosbi inap long stretim na kamapim gut kolis long ol sumatin i skul gut long en na tok tenkyu i go long mani helpim inap long K250,000 we Deputi Praim Minista, Leo Dion, na papa bilong Lae Biscuit kampani, Se Henry Chow, i givim.

Mista Dion i bin tok promis long givim K150,000 na Se Henry em K100,000.

Tupela Mista Dion na Se Henry i bin tokaut long helpim bilong ol long namba 50 Golden Jubili Selebresen i bin kamap long DBCC Kolis long las wik Sarere.


DBC i wan-pela Katolik Kolis we i givim trening skul long ol yang-pela man long kamap ol pater long rilijes oda bilong MSC Santu Hat bilong Jisas. Ol bin sanapim dispela kolis long Bomana long yia 1962.

Kolis i kisim nem bilong paionia misinari pater long PNG bilong kantri Frans na wanpela MSC pater, Asbisop Alain De Boismenu. Em bin wok na stap long Yul Ailan na Mosbi moa long 50 krismas. Em bin statim wok bilong MSC long Mosbi Daiosis long yia. Dispela bikman i bin dai long yia 1953 na ol bin planim em long Kubuna Katolik Misin long as bilong ol maunten bilong Goilala.


Long selebresen bilong las wik Sarere, kolis i bin pulap wantaim moa long 500 Katolik pipel i bin kam long ol wan wan daiosis long Pot Mosbi Asdaiosis husat i save sapotim ol MSC kongriksen long amamasim dispela bikpela de bilong kolis wantaim ol sumatin, ol bisop, pater na ol rilijes.

Misa lotu i bin ron gut na nais stret wantaim ol wan wan grup i go pas long liteji, naispela kwaia singsing, ol prososio bilong statim lotu, bringimn Baibel i go long pater, ofatori na lotu pinis prososio.

30 -pela pater i bin stap long bung wantaim na wokim lotu we Bisop Patrick Taval bilong Kerema Daiosis husat i wanpela MSC tu, i bin go pas long en.



DBM KOLIS MAKIM 50 KRISMAS:



FAUNDA: Asbisop Alain De Boismenu em wanpela pater bilong Frans na paionia MSC Misinari we kolis i kisim nem bilong em.



HAUS SLIP: Haus slip bilong ol MSC seminari sumatin long Katolik Tiolojikel Kolis long Bomana.



OL MSC SUMATIN: Sampela ol MSC seminari sumatin.



LOTU SEVIS: OL lain i sindaun long Misa Lotu. Poto: Pater Zidslaw Mlak



LUKSAVE NA SAPOT: Deputi Praim Minista, Leo Dion, i totkok long taim bilong selebresen. Poto: Zidslaw Mlak

Taim Mista Dion i luksave long kontribusen bilong Katolik Sios insait long ol wok developmen bilong dispela kantri, em

bin tok MSC kongriksen i bin mekim bikpela wok long PNG na long Pasifik rijen tu. Na em bin luksave long ol namba wan misinari

husat i bin kisim Gutnius na ol sevis i kam long PNG, na tu, trenim ol yangpela man long kamap ol rilijes pater, Bruder na kirapim tu

ol kongrigesen bilong ol Sister.

"Tude em i spesel de we yumi lukim gutpela kaikai i kamap, tasol planti taim,

pipel i no save bisi o givim luksave long en.

"Dispela institusen i kamapim planti gutpela lida long dispela kantri long sait bilong politiks, bisnis, gavman, sios na komyuniti.

"Olsem Deputi Praim Minista na memba bilong Is Nu Briten, namba wan maina seminari i bin kirap long 1955 long Sanel Kolis Ulapia, Kokopo long Is Nu Briten.

"Long lukluk bilong mi yet, yupela (sios na MSC kongriksen) i savemekim bikpela wok wantaim nogat bikpela nois na kisim kantri i kam long make m i sanap long em tude.

"Olsem gavman, bai mipela skruim wok pat-nasip wantaim ol sios na ol NGO long kamapim ol wok developmen na kisim sevis i go long olgeta hap bilong kantri.

"Long makim gavman, mi givim K150,000 done-sen i kam long kolis bilong helpim wantaim ol wok developmen na mentenens wok bilong kolis," Mista Dion i tok.

Bihain long ol toktok bilong ol bikman, olgeta lain i bin stap long selebresen i bin sindaun long bikpela lans kaikai na bihain, ol wan wan grup i bin putim kamap ol singsing na danis tumbuna we olgeta lain pater, rilijes na Katolik manmeri i bin sindaun gut na amamas long lukim bipo apin-un i ron na nait i laik kamap, olgeta i bin lusim DBC na seminari long go bek long Mosbi siti na ol

wanwan ples bilong ol bihain long naispela na gutpela de bilong selebresen.

Insait long 50 yia DBC Kolis i kamap, samting olsem 250 man PNG na Kiribati i kisim trening long em. Long dispela, 7-pela i kamap ol bisop, 83 ol pater we wanpela i bin kamap palamen memba, tupela Hai Komisina na planti sinia memba long pablik sevis, praivet sekta na midia. Ol dispela i kamap bisop husat i kisim trening long DBC em ol, Asbisop John Ribat bilong Pot Mosbi Asdaiosis, Bisop Paul Mea bilong Tarawa-Kiribati, Bisop Ambrose Kiapseni bilong Kavieng, Bisop Patrick Taval bilong Kerema na Bisop Rochus Tatamai bilong Bereina.



NEM: Berthlyn Huaffe

KRISMAS: 16(Meri)

ADRES: Passam Primary School, P.O. Box 521, Wewak East Sepik Provins

SAVE LAIKIM: Harim musik, pilai soka, pilai volibol mekim pani, kisim wara, watsim TV na ritim Baibel.

NEM: Jimmy N. Nimms

KRISMAS: 19 (man)

ADRES: Kilipau village, P. O. Box 56, Vanimo Sandaun Provins

SAVE LAIKIM: Raitim pas, ritim buk, harim musik, ring long fon na senisim presen.

NEM: Rodney Wauku

KRISMAS: 25 (man)

ADRES: C/- Andrew Api Vanimo CIS, PO Box 124, Vanimo Sandaun Provins

SAVE LAIKIM: Harim musik, pilai soka, watsim TV, swimming na painim stori.

NEM: Jason Sull

KRISMAS: 40 (Man)

ADRES: P.O. Box 248, Madang - Madang Provins

SAVE LAIKIM: Ritim Niuspepa, harim musik, kukim kaikai, wasim klos, wokabaut, trevol go kam long bisnis insait long PNG na painim poromeri long stap wantaim oltaim.

Yu ken ring long dispela namba, 7272 2843.

NEM: Jimmy Ekoda

KRISMAS: 20 (man)

ADRES: Sangara Vocational School, P O Box 170, Popondetta, Oro Provins

SAVE LAIKIM: Go lotu, pilai soka, pilai volibol, painim wanpela meri long maritim na stap wantaim oltaim.

NEM: Joe .K

KRISMAS: 24 (man)

ADRES: P O Box 1289, Goroka, EHP - 7360 3650

SAVE LAIKIM: Go lotu, pilai musik singim song, pilai spots, mekim pren na planti moa.

NEM: Gima Target

KRISMAS: 20 (meri)

ADRES: Bugandi Secondary School, PO Box 1225, Lae Morobe Provins

SAVE LAIKIM: Go lotu, ridim Baibel, mekim pren wantaim ol lotu manmeri, pilai ragbi,volibol and watsim TV(News).

NEM: Presley Tai

KRISMAS: 20 (Man)

ADRES: PO Box 28, Mondomil Minj, Jiwaka Provins

SAVE LAIKIM: Go lotu, ritim Baibel, ritim buk, stadi skul wok, pilai ragbi, harim musik na mekim poroman wantaim arapela.

NEM: Belany Haikope

KRISMAS: 19

ADRES: Don Bosco Araimiri Secondary, PO Box 159, Kerema Gulf Provins

SAVE LAIKIM: Ritim buks, pilai gems, go lotu long Sande, mekim pani wantaim poroman.

NEM: Bunau Dadis

KRISMAS: 31 (man)

ADRES: Raibus Security Service Ltd, PO Box 1337, Madang, Madang Provins - 7146 7257

SAVE LAIKIM: Go danis, Lukim TV, harim musik na painim gutpela poromeri long stap wantaim oltaim.

Raun wantaim Kanage olgeta wik

Kanage go long gaden bilong em na stretim banana bilong em i stap..Kanage em wanpela pani man long ples na olgeta manmeri i save tru long stail na tokpilai bilong em..Em man bilong tanim toktok na yu bai paul olgeta long toktok bilong.. Wanpela lapun meri lukim Kanage stretim banana bilong em i stap na em singaut sapos sampela banana i mau..



Mi gat wari na mi laik helpim

Dia Laipain

MI GAT wanpela rol modul o man o meri i soim gutpela pasin long laip mi ken bihainim. Na dispela rol modul bilong mi i bin lusim skul long Gret 6 planti yia i go pinis long wanpela longwe praimer skul long wanpela provins long dispela kantri.

Dispela man i no bin laik bai ol i kolim em long wanpela Gret 6 dropout husat i no inap long kamap wanpela gutpela man mekim wanpela gutpela samting long laip bilong em. Olsem na Laipain, dispela man i bin lusim ples bilong em na go stap long taun na painim wanem samting em i laikim long en.

Em go long taun na stap wantaim wanpela famili we i bin lukautim em. Taim em i stap wantaim ol, em i no stap nating, nogat. Em i stat long bungim ol sof dring botol na ken ol man i dring pinis na tromoim long en, na ol narapela liklik wok long kisim mani long en.

Taim em i bungim inap mani, em i stat long peim skul fi bilong em yet stat long Gret 7 inap long Gret 12. Bihain long dispela, em i go long Yunivesiti bilong PNG na stadi long lo skul. Nau em i kamap wanpela loya na nau i wok wantaim wanpela lo kampani long kantri.

Hevi bilong mi em, mi wanpela skul dropout tu ya. Na planti taim, mi laik bihainim pasin bilong dispela man tasol ol samting i no wok gut long mi. Nau mi kros i stap na pilim olsem nogat wanpela gutpela samting bai kamap long laip bilong mi. Bai mi mekim wanem samting long helpim mi yet?

Plis Laipain, inap yu painim sampela rot long helpim mi?

Role Models Peace Seeker

Dia Pren,

Mipela i amamas olsem yu tokim mipela long win stori bilong rol modul bilong yu na man we ol hatwok bilong em yu amamas long en na yu laik bihainim long en. Dispela rol modul i bilong yu tasol mipela i pilim olsem em i rol modul long planti tausen narapela pipel long



PNG husat i stap long wankain wari na laip olsem long yu.

Pren, mipela i laikim yu long save olsem long wokabaut long laip, yu mas wokim ol plen, baset i makim taim na fokal long ol driman na gol bilong yu. Mipela i bilip olsem dispela bai kamapim gutpela samting long laip bilong wanpela taim ol i laik wokim ol samting bai bagarapim sindaun na laip bilong ol.

Taim wanpela man i laik wokim wanpela samting, mipela i bilip olsem i moabeta long gat bilip long em yet bikos no gat narapela bai gat strongpela tingting long mekim samting, tasol yu yet. Pren, mipela i bilip olsem rol modul bilong yu i go pas pinis long soim rot long yu i bihainim sapos yu laik mekim gutpela samting long laip bilong yu. Yu ken tokim yu olsem sapos em i ken mekim, mi ken mekim tu.

Mipela i luksave olsem rol modul bilong yu i bin lusim skul long Gret 6 tasol mipela i bilip tu olsem sampela samting i bin mas mekim em i lusim ples long painim samting i ken givim em gutpela sans long laip.

Em bin kisim planti yia long kamap long mak em i stap long em tude. Em bin mas lukim tu olsem em i no laik sindaun nating na lukim ol wanskul bilong em i skruim skul long apa level na kisim gutpela laip, tasol em bin laik kamap olsem wanpela long ol.

Pren, yu wanpela skul dropout pinis na yu bin laik bihainim rol modul bilong yu tasol yu wok long pundaun. Nau yu kros i stap na askim watpo dispela i kamap long yu? Em i gutpela long kros na tok mi no inap wokim wanpela gutpela samting long mi yet. Mipela i bilip olsem i ken gutpela long yu i kros na bai

mekim yu i wok hat moa long inapim gol bilong yu. Pren, noken ting olsem yu no inap long wanem samting yu wokim. I moabeta yu kisim sampela luksave na lusim ol poroman yu gat nau bikos ol i ken mekim yu bagarapim tingting bilong yu. Mipela i bilip olsem ol bai no inap helpim yu long mekim gut long skul na laip bilong yu.

Pren, mipela i laik strongim yu long tokim ol long laik bilong yu long skruim skul na sapos ol i gat wankain wari olsem yu, yu ken toktok tu long ol. Laipain i bilip olsem long dispela kantri, PNG, i go het gut, em i wok bilong ol manmeri i kisim skul long mekim dispela.

Mipela i bilip olsem em i taim ol yangpela pipel olsem yu long tingting gut long wanem samting yu ken mekim sapos yu kisim gutpela edukesen. Pren, mipela i askim yu long save olsem yu wanpela skul dropout aut, tasol ol samting i no pinis hia, nogat. Yu ken go het na traim na i napim ol driman bilong yu.

Sapos yu tok olsem yu lus, bai yu stap olsem wanpela dropout oltaim. Na dispela bai givim yu wari na hetpen, long famili bilong yu na kantri tu. Tasol yum as muv i go fowet, wok hat na mekim gut. Yu ken kamap olsem gutpela rol modul long ol narapela pikinini na ol yangpela.

Pren, God i save toktok long manmeri i stap long ol kain wari na hevi na em i laik toktok long yu tude sapos yu opim lewa bilong yu long em.

Ritim buk bilong ol Proverb 4:10-13.

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain



Denmark Taraba i soim rais bilong Madang stret ol i kolim "Magic Marasin". Em yet i save groim rais long Erima. *Poto: James Kila*



Ol lokol pipel bilong Madang mas planim moa kakau long mekim mani long strongim ekonomi na kamapim wok bisnis.

Duban givim K1 milien long strongim smol bisnis wok long Madang

James Kila i raitim

MINISTA bilong Polis na Memba bilong Madang, Nixon Duban long las wik Fraide i tokaut olsem em putim pinis K1 milien we ol pipel long distrik bilong em long Madang i ken kisim olsem dinau long kirapim ol liklik bisnis bilong ol.

Mista Duban i bin tokaut long dispela long wanpela bung we i kamap long Madang taun we moa long 5 tausen pipel i bin kamap long lukim.

Em i tok dispela mani bai em i putim i go insait long Nesenel Developmen Beng (NDB) na husat intares lain i gat tingting long kirapim liklik bisnis i ken go na kisim na mekim wok.

Mista Duban i tokaut olsem dispela mani em i putim em ol pipel i ken dinau long K1000 na ol bai peim bek wantaim 15-pesen intares insait long 12-pela mun o wanpela yia.

Em i tok bikipela as tingting long em i kamap wantaim dispela helpim em long givim strong i go long ol

pipel bilong Madang long wokim bisnis na tu long helpim na bringim bek gutpela nem bilong Madang.

Mista Duban i tokaut olsem long bringim bek gutpela nem bilong Madang, em i laik stap long as tru bilong hevi na stretim ol polis na tu traim daunim ol lo na oda hevi we nau i kamap bikipela tru insait long Madang taun na ol distrik long provins.

Minista Duban long dispela seremoni tu long Fraide i tokaut olsem em i putim pinis K200,000 long

baim tupela nupela polis kar we bai helpim ol Madang polis long wok bilong ol.

Em i tokaut tu olsem em bai paitim dua na askim yet Praim Minista, Peter O'Neill long helpim em long stretim wok bilong polis insait long Madang provins.

Em i tokaut olsem em yet i kisim pinis K2.1 milien long halivim ol pipel bilong Madang na tu baim ol samting long strongim polis wok insait long provins.

Mista Duban i givim tu K200,000 long sapotim wok bilong ol kaunsilas na nara-

pela K100,000 long sapotim wok bilong yut.

Gavana bilong Madang, Jim Kas i sapotim Mista Duban na i tokaut olsem em bai baim tripela moa polis kar long sapotim wok bilong lo na oda long provins.

Insait long dispela bung long Madang tu i lukim Mista Duban i mekim strongpela toktok we i kukim stret ol asples lain bilong Madang.

Mista Duban i tokaut stret olsem ol lo na oda hevi na trabel we nau i kamap long Madang em ol lain bilong

autsait o ol 'kam-man' i bringim i kam long Madang.

Em i sutim tok tu long ol pipel bilong Madang long salim graun bilong ol nating nating tru long autsait lain long liklik mani na larim ol autsait lain o 'kam-man' i go sindaun long graun bilong ol.

Mista Duban i tok ol pipel noken sutim tok long ol polis olsem polis i no mekim wok. As bilong hevi na trabel i stap long ol asples o lokal pipel husat i salim nating graun bilong ol long ol autsait lain.

HOLY LAND *tours* ISRAEL & JORDAN

INCLUSIONS: Return airfares Port Moresby - Jordan via Singapore & Colombo, 3 star hotel accommodation, return airport transfers, meals where specified, all tours, coach transportation & fees, English speaking guide, Visa fees & border taxes for Jordan & Israel, airline taxes & surcharges.

MORE NIGHTS, MORE ATTRACTIONS, GREAT VALUE!

> The Sea of Galilee > Nazareth > Garden of Gethsemane > Bethlehem > Jerusalem > Masada
> Qumran > The Dead Sea > The Jordan River > The Wailing Wall > Garden Tomb > Jordan River
2012 Last Departure Date: Ex-POM: 15th November

**HURRY!
IT'S THE LAST
DEPARTURE
FOR 2012**

**13 NIGHTS & 14 DAYS
FROM**

K9725*

pp

Call toll free on **180 3444** or contact your nearest

Air Niugini Travel Centre or Travel Agent to secure your Holy Land Tour!

Prices based on a minimum of 20 persons. Price is on twin share basis with subject to change and availability. Strict conditions apply.

**Air Niugini
PARADISE
TOURS**



Sevei soim Raikos pipel nidim bot sevis long promotim agrikalsa divelopmen

WANPELA kes-stadi o wok painimaut bihain long ol askim ol lain Agrikalsa Seksen Ofisa bilong Komyuniti Afes Dipatmen bilong Ramu NiCo i mekim insait long Kostal Paiplain na Basamuk eria long Raikos distrik i soim olsem i gat bikipela nid long bot sevis i go long sevim ol pipel long dispela eria.

Bot sevis i mas ron oltaim long sevim ol rurel famas long karim ol kes-krop bilong ol olsem kakao na kopra i go long salim long maket. Taim moa bot sevis i kamap, em bai bringim moa intares long ol pipel long wok strong long agrikalsa.

Insait long dispela ol intaviu ol CA ofisa i kamapim, ol i painimaut olsem i gat bikipela nid long kirapim bek Raikos Holdings, husat em wanpela lokal kampani long sampela taim bipo husat i save ronim trenspot sevis long saut kos bilong Madang long Raikos distrik.

Insait long sevei o wok painimaut long kisim moa infomesen, ol Ramu agrikalsa seksen ofisa bilong Komyuniti Afes (CA) dipatmen i bin askim ol lokal pipel long wanem tingting bilong ol long sait bilong bot sevis.

Bikipela as-tingting bilong kari-maut o wokim dispela kes-stadi em long save gut hausait na Raikos Holdings Limited i no moa ronim ol bot sevis, makim olsem planti ol pipel i nidim tru dispela kain bot sevis long kamap gen.

Namba tu as-tingting em long painimaut sapos Raikos Holding Ltd i bin promotim agrikalsa divelopmen insait long ol viles we nau i stap olsem impekt viles long Ramu NiCo Projek. Na namba tri em long painimaut moa sapos ol lesen long dispela wok pastaim i ken helpim Ramu NiCo long promotim na sapotim ol komyuniti rilesins bilong en.

Raikos Holdings Ltd em wanpela divelopmen wok projek bilong Raikos distrik gavman stat long 1987 i go 1995 na i kamap olsem wanpela kampani we i ron long em yet long daunim wok politik i go insait long em na wok bilong en em long strongim wok long bisnis na sapotim guds na sevis long ol lokal komyuniti.

Wanpela long ol bikipela sevis bilong en em long givim bot sevis we em bikipela samting long

muvim ol agrikalsa produs long ol viles i go long taun na tu helpim ol pipel long bringim ol stua kaikai ol i baim long taun i go bek long ples. Moa long en tu dispela bot sevis i ken helpim long bringim ol agrikalsa saplais bilong ol lain long ples long helpim ol long strongim wok bilong agrikalsa long viles na haus-lain.

Long nau yet, i no gat bot sevis i ron oltaim long sevim ol pipel namel long Madang na Saidor na ol arapela viles long Raikos distrik. Ol manmeri i save yusim tasol ol banana bot long bringim kago na tu go long taun long baim ol stua kaikai, wokim bisnis wok na tu kisim ol sevis long taun.

Long taim bilong solwara i kirap na taim bilong bikipela ren i pundaun ol pipel i save painim hat tru long go kam long banana bot.

Pastaim Siaman na dairekta bilong Raikos Holdings Ltd i tokaut olsem dispela bot sevis i bin promotim tru sosel na ekonomik divelopmen. Long nau yet dispela bot sevis we Raikos Holdings i ronim long pastaim i no moa stat bikos wok politik i go insait long en bihain long foma palamen memba na Open Memba bilong Raikos (husat i dai pinis) i bin go pas long menesmen bilong dispela bisnis.

Long yia 1988, dispela bot bilong Raikos Holding Ltd i bin bungim sampela hevi long enjin bilong en na i no bin gat inap mani long stretim gen. Long nau yet dispela stori bilong bot sevis bilong Raikos Holdings em wanpela tumbuna stori.

Bikipela samting em gavman na ol lain Lenona Kampani insait long Ramu Projek Impekt eria i mas lukluk long kirapim wanpela kain bot trenspot sevis long helpim ol pipel long bringim kamap gut kes-krop bisnis na ol arapela liklik wok bisnis long ples na rural distrik bilong ol.

Dispela stadi bilong Ramu NiCo agrikalsa seksen ofisa bilong CA Dipatmen i soim ples-klia tru olsem planti ol rurel famas i wok long yusim ol banana-bot long mekim ol wok bilong ol. Tasol ol sevis i no gutpela tumas na tu planti manmeri i bin bungim hevi long solwara na planti laip i bin lus pinis long hevi bilong yusim banana-bot olsem trenspot long go kam namel long Madang, Saidor na ol arapela viles insait long Raikos distrik.



Ol famas long Raikos i nidim moa helpim long sait long trenspotim kes-krop bilong ol.



Raikos i gat planti kokonas na kakao plentesen i stap long en.



Ramu NiCo i helivim ol kakao famas long feri bilong en, mv Carrie. Tony Gayu, wok man bilong Ramu NiCo i karim kakao i go antap long bot

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wanpela
Ramu NiCo,
Wanpela
Komyuniti**

Maru laik senisim Yangoru-Sausia

Yuni senta, wara saplai, na pawa bai go insait neks yia

Aja Alex Potabe i raitim

MEMBA bilong Yangoru-Sausia na Minista bilong Komes, Tred, na Indastri, Richard Maru, i laik senisim ilektoret bilong en long kamap wanpela model ilektoret insait long Is Sepik na PNG wantaim.

Maru i mekim dispela tok-tok las wik Fonde long Pot Mosbi Kantri Klab (PomCC) taim em i hariap tru tasol kamap memba, na sainim tripela projek agrimen wantaim tripela gavman ejensi

long kisim ol namba wan sevis ol pipel bai nidim long en long senisim laip bilong ol na kirapim ples.

Maru i sainim agrimen wantaim Yunivesiti ov PNG (UPNG), Wata PNG, na PNG Pawa long larim pipel bilong Yangoru-Sausia i gat sans long kisim yunivesiti edukesen long haus dua bilong ol, kisim klinpela wara saplai, na kisim pawa lait.

Long ai bilong bilong ol sampela ol save man bilong Yangoru-Sausia yet olsem Profesa John Luluaki, Profesa Albert Mellam, Profesa

Samuel Haiue, Dokta Lawrence Sause, na ol arapela save man bilong ilektoret, Maru i sainim agrimen wantaim UPNG Open Kempas long opim nupela yuni kempas long Yangoru.

Em i givim K100, 000 long UPNG long stretim ol samt-ing bilong kamapim yuni senta long hap, narapela K100, 000 em i givim long Wata PNG long putim wara saplai, na K10, 000 long PNG Pawa long mekim larim ol fisibiliti stadi long mekim wanpela liklik haidro pawa stesen long Malabaim

viles, Wes Yangoru.

Dispela olgeta projek bai stat neks yia Jenuari tasol.

"Yangoru-Sausia bai senis aninit long lidasip bilong mi tasol mi laik askim yumi olgeta long wokbung wantaim long kirapim ilektoret bilong yumi. Planti gutpela samting bai kamap, na mi laik askim ol save manmeri bilong yumi, ol yuni sumatin, na olgeta lokol kaunsila long ples long wokbung wantaim mi," Maru i tok.

Em i tokaut tu long ol sampela bikpela plen em i gat long larim Sepik plein i

kamap wanpela bikpela ples bilong lukautim ol bulma kau, na sanapim wanpela fektri long mekim kain samting olsem kau mit, milk susu, su, belt, na ol arapela samting long skin bilong kau na pukpuk.

Maru i tingting long bungim olgeta manmeri Yangoru-Sausia long tokaut long ol arapela bikpela plen em i gat long kirapim ilektoret, tasol em i wetim disisen bilong kot long stretim ol sampela sut toktok ol arapela kendidet i bin toktok long win bilong en.



Richard Maru: Tred, Komes na Indastri Minista, na memba bilong Yangoru-Sausia

Buai baiya dai arere long Ramu Wara

...ol stilman ronim em

WANPELA bilong man bilong Westen Hailans provins i bin pundaun long Wara Ramu na lusim laip bilong em las wik i go pinis bihain long em wantaim tupela wantok i bin bungim ol stilman husat i traim long stilman mani na samting bilong ol.

Dispela man bilong Westen Hailans i bin go long Bes-kem long arere bilong Ramu Wara long baim ol buai long hap taim dispela birua i kamap.

Em i bin go wantaim tupela arapela man taim sample ol yangpela man i traim long holim pasim ol na stilman ol mani na samting bilong ol.

Ol

Wanpela lokal polisman bilong Bogia, husat i givim stori long *Wantok Niuspepa* i tok olsem turangu dispela man em i bin pait bek na i ronawe tasol em i abrus na pundaun i go daun long wara na em i no save long swim na em i dai. Tupela arapela wantok bilong em i bin lusim bikpela tausen kina wantaim ol mobail fon na arapela samting long han bilong ol dispela stilman bilong Ramu.

Ol lokal lain bilong Ramu i painim bodi bilong em sampela kilomita daubilo long ples we em i bungim birua.

Polisman i tokaut tu olsem taim ol lain i painim bodi bilong dispela man Westen Hailans, em i bin gat samt-ing olsem K9000 kes i stap yet long poket bilong em. Dispela ol mani i stap seif.

"Ol lain husat i painim bodi bilong dispela dai man i guria stret long painim bikpela kes moni em K9800 i stap yet insait long poket bilong em, maski em stap sampela taim insait long wara," polisman i tok.

Bodi bilong dispela man bilong Westen Hailans em ol lain wantok bilong em i go kisim pinis na karim i go bek long ples bilong em long

Westen Hailans long planim long matmat.

Polis i bin go long ples arere long Ramu Wara we ol i saspek ol dispela lain husat i bin stil long tripela man i kamap long en. Ol i tokim ol viles lida long putim kamaut ples klia ol dispela lain man husat i mekim dispela raskol pasin na lo i ken mekim-save long ol.

Sampela mun i go pinis wantaim birua tu i bin kamap long Bogia taim sampela lain bilong Chimbu provins husat i laik go baim buai long Ramu i bungim birua wantaim ol lain yuts bilong Bogia.

Tasol dispela birua lukim ol lain Chimbu i bung na pait na ronim ol lain bilong Bogia husat i laik kamapim trabel wantaim ol.

Planti ol pipel bilong not kos long Sumkar i no amamas tumas long kain pasin ol yangpela man bilong Ramu na Bogia i save mekim long ol lain Hailans husat i save go baim buai long Bes-kem na Ramu Wara. Dispela em bikos turangu ol lain Hailans pipel i save bringim mani i go long hap, tasol ol dispela lain bilong Ramu na Bogia i save tanim bek gen na stil long ol lain ya bilong hailans.

PNG i stap long invesmen miting long Nu Silan

PAPUA Niugini Minista bilong Tred, Komes na Indastri, Richard Maru, i tok dispela invesmen miting wantaim gavman bilong Nu Silan i bilong painim sampela gutpela rot bilong halivim PNG yut long painim wok long ol i ken lukautim sindaun na laip bilong ol.

Papua Niugini nau i painim em yet hat long kamapim wok bilong planti ol yangpela pipel bilong en.

Planti long ol dispela pipel inap long painim wok, tasol i nogat inap wok bilong ol long kisim raun long PNG long dispela taim.

Olsem na planti pipel bilong ol i wok long stap long ples na kamapim ol liklik gaden kaikai long salim long maket long painim mani.

Mista Maru i tok, ol indastri olsem rais faming, sipsip na bulmakau i no stap moa long PNG.

"70 pesen long bulmakau mit i kam long Australia, yumi no nid long impotim long Australia," em i tok.

YUMI KEN KISIM SOL-WARA: Tupela wok manmeri bilong NMSA i soim bosman bilong ol olsem yumi kisim hap solwara long Pasifik long wanem i stap klostu long yumi PNG. *Poto na Stori Nicky Bernard*

Wol Maritaim De

NESENEL Maritaim Sefti Atoriti (NMSA) i makim wol maritaim de bilong ol long sampela wik go pinis na tu tingim Taitenik sip we bin go daun long 1912.

Papua Niugini em wanpela kantri tu i stap insait long dispela Maritime Atoreti, olsem na NMSA bin makim dispela de.

Planti bilong ol sip kampani bin stap insait long dispela bung long makim dispela de tu, long wanem ol mas kisim lukim save long lukautim gut ol sip na na ol ron bilong ol.

PNG Nesenel Maritaim Sefti Atoriti (NMSA) i gat bikpela wok stret, ol save

kisim ol kontrak kampani bilong makim ol rip, kampani bilong sanapim ol lait bilong ol rip na tawa lait bilong soim pasis bilong sip long ron long en na planti moa.

Long dispela bung planti gutpela samting i kamap, ol liklik kampani husat save mekim wok bilong maritaim bin stap na soim ol manmeri long wanem wok ol save mekim long helpim ol ron bilong sip, wok bilong lait, solwara bilong yumi na planti moa.

Olgeta yia NMSA bai makim dispela de olsem Nesenel Maritaim Sefti Atoriti de, dispela ol mekim liklik tasol i no bikpela tumas.



Air Niugini tok lukaut long kisim balus long taim

NESENEL balus kampani bilong kantri, Air Niugini, i wok long wari tru long ol pasindia long Mosbi siti long i no inap kisim balus bilong ol long taim.

Dispela wik, kampani i salim wanpela toksave i go aut long pablik olsem nau yet, planti

wok stretim i kamap long ol bikpela rot long Mosbi, na ol pasindia i mas tingting gut na plenim ron bilong ol i go long ples balus long kisim balus i go aut.

Ol i tok klia gen olsem taim bilong sek-in long kalap long

balus, long domestik, na intanesenel tu, em i tu awa tasol.

Air Niugini i tok, ol i tingting long gutpela ron bilong ol balus, na sevis i go long pablik, olsem na ol i givim dispela tok lukaut.

Prais bilong Petrol go daun, tasol Diesel na Kerosin i go antap

PRAIS bilong petrol bilong dispela mun Oktoba i go daun. We bipo long mun Septemba, em i bin sanap long K1.85 long wan lita, long dispela mun, yu ken baim Petrol long K1.83, em tu toea i go daun.

Tasol i no wankain long Diesel na Kerosin.

Tupela wantaim inap

kalap i go antap olgeta long 8 toea.

Prais bilong wan lita Diesel i go antap tri toea, we nau yu mas baim K1.96 long wan lita Diesel, we long mun Septemba, prais bilong en i sanap long K1.93.

Wan lita prais bilong Kerosin i go antap 5 toea. We long mun Septemba,

em i bin K1.90 long wan lita, nau bai ol lain long ples i mas baim wan lita kerosin long K1.95.

Indipenden Konsuma na Kompetisen Komisnin (ICCC) i tokaut long ol dispela senis long sindaun bilong prais bilong tripela piul, long Mande dispela wik.

Hanbol bilong nambis

NAMBIS hanbol (Beach handball) em i wankain olsem tim hanbol tasol nambis hanbol i save kamap long nambis o ples wesam olsem long nambis.

Narapela nem bilong en em senbol (sandball) na tupela tim i save pilai insait long en tu olsem long tim hanbol.

Histri bilong gem

Nambis hanbol i stat long Jun 1992 long liklik ailan, Ponza long Itali (Italy) taim Giani Buttarelli na Franco Schiano husat ol i bin presiden bilong ol hanbol tim bilong ol.

Tupela i bin gat tingting long kamapim nambis hanbol olsem wanpela nupela kain stail bilong pilai hanbol.

Astingting bilong dispela em long pulim moa manmeri go insait long dispela spot na tu yusim ol bikpela spes long nambis we i save stap nating.

Namba wan nambis hanbol tonamen i bin kamap long 1992 long San Antonio nambis long Ponza ailan.

Ol tim husat i bin stap insait long dispela tonamen em ol tim bilong Itali - Gaeta 84 Contax, Ciampino, Roma Populinier, Lazio Sequax na wanpela tim bilong Rasa (Russia) – Polyot bilong ples Chelyabinsk.

Nambis ogenaiesen bilong nambis hanbol ol i kolim “Comitato Organizzatore Handball Beach” (COHB) long tokples Itali o Foundation of the Beach Handball Committee long tok Inglis, tu i kamap long 1992.

Buttarelli na Schiano i go pas long kamapim dispela ogenaiesen we i namba wan asosiesen long makim dispela nupela spot.

Namba wan intanesenel tonamen bilong nambis hanbol i kamap long 1993 long Rom (Rome) aninit long was na stia bilong Buttarelli.

Planti moa tim i kam long dispela tonamen na tu sampela junia tim.

International Handball Federation (IHF) i luksave long nambis hanbol long 1994 na long 2000, namba wan Yuropien (European) sempionsip i bin kamap we 8-pela tim bilong ol man na 8-pela bilong ol meri bin stap insait long en.

Namba wan tim long winim dispela tonamen long ol man em Belarus na Yukren (Ukraine) i winim bilong ol meri.

Long 2001, nambis hanbol i go insait long wol gems na long 2004 ol i go insait long namba wan wol sempionsip bilong ol.

I gat planti laik bilong dispela stail bilong hanbol na wok i kamap nau long traim na kisim i go insait long Olimpik Gems tu olsem tim hanbol.

Stail bilong pilai

Stail bilong pilai em i wankain tasol long tim hanbol tasol ol pilai i no save werim su bilong wanem



ol i pilai long wesam. Namba bilong ol pilaia na gol mak i wankain tasol.

Hanbol long PNG

Olsem tim hanbol, i nogat nambis hanbol long PNG yet.

Sapos ol i laik long kamapim, ol i mas painim gutpela nambis we i gat inap spes bilong pilai na tu bilong ol manmeri long sindaun na lukluk.


Em i spot we i ken kamap gut long PNG tasol i mas i gat ol gutpela manmeri wantaim gutpela save long lukautim na ronim, i stap long lukautim na mekim i kamap bikpela.

I mas i gat gutpela sapot tu i kam long ol sponsa na ol manmeri husat i laik lukim o pilaim.


Mama asosiesen na husat ol lain i laik go pas long kamapim, i mas mekim gutpela aweanes na skul tu long ol manmeri na ol yangpela manmeri bai ol i ken save gut long en na traim long pilai.

Narapela gutpela samting em long kamapim dispela program namel long ol liklik mangi na ol sumatin bai ol i ken lainim na save gut taim ol i liklik yet.

KILIA: Wanpela meri traim long skoa long wanpela nambis hanbol gem bilong ol.



PILAI GRAUN: Wanpela pilai graun bilong nambis hanbol long ovasis.



KALAP: Pilaia bilong Pakistan i redi long skoa bilong tim bilong em long wanpela intanesenel gem.





SOKA: Blue Kumuls pilaia i holim bal long lek bilong em taim Hard Rocks pilaia i traim long rausim. Blue Kumuls i winim dispela pilai 2-0.



SUVIM RAUSIM: Kwinslen anda 16 pilaia i soim strong bilong em long pusim Sauten zon anda 16 bilong PNG long wanpela poroman pilai long Mosbi.



RAGBI LIG: Senta bilong Hanuabada Hawks i traim abrusim Magani pilaia long semi fainol bilong ol long Sande. Magani i winim Hawks na bai go pilai long narapela semi fainol gem long dispela wiken.



WIN O LUS TASOL SAPOT EM MIPELA YA! Ol sapota bilong Hawks i mekim PRL kam laip long wiken taim Hawks i pilai wantaim Magani long Port Moresby Ragbi Lig resis. *Ol Poto Nicky Bernard*

TOKSAVE: Salim ol spots dro bilong yu kam long Feks; 325 2579, e-mel;nbernard@wantok.com.pg o kam lusim long Wantok Niuspepa opis long Central Waigani, NCD.



BELLAMY: Nem bilong em i pairap olsem nupela Warriors kosa.

Warriors bai kisim nupela kosa insait long wan wik

WANPELA toksave long nupela kosa bilong Warriors bai kamaut klostu, tasol klab menesmen i no laik tok stret olsem Craig Bellamy bai kisim dispela wok stat long 2014. Sif Eksektiv bilong Warriors, Wayne Scurrah i tok long Trinde olsem em i ting toksave long nupela kosa, bai kamaut insait long wanpela wik i kam. “Mi no inap givim nem, tasol klostu nau bai yumi save,” Scurrah i tok.

Warriors i wok long painim wanpela kosa bihain long ol i rausim Brian McClennan long Ogus, tupela gem pastaim long pinis bilong tupela yia kontrak bilong em. Scurrah i no laik toktok long ol ripot olsem Melbourne Storm kosa Bellamy bai joinim Warriors long 2014 long wanpela multi-milian dola dil bihain long em i pinisim laspela yia wantaim Storm kontrak bilong em long 2013. Namel long dispela

taim, ol i ken makim wanpela keteka kosa. “Mipela i no laik tokaut long dispela, taim ol toktok i go het yet,” Scurrah i tok. Sampela ol arapela nem i kamap long posisen wantaim Warriors, em namba tu bilong Bellamy, David Kidwell, bipo Penrith na Canberra bosman Matthew Elliot na bipo Wests Tigers kosa Tim Sheens. Tasol Kidwell i tokaut olsem em i no laik long dispela wik yet.



CROCKER: Wan moa raun

Crocker sainim kontrak gen bilong narapela NRL sisen

SOUTH Sydney wan-kapten Michael Crocker bai surukim keria bilong em i go wanpela moa sisen, bihain long em i sain gen wantaim klab long Tunde. Crocker, husat i gat 32 krismas nau, em wanpela long foapela Rabbitohs pilaia long pilai insait long olgeta

27 gem bilong tim dispela sisen. Bipo Melbourne na Sydney Roosters strongman, husat i joinim ol Rabbitohs long 2009, i tok em i no redi long hangamapim but bilong em yet, na em i laik stap na lukim klab i strong bek gen long kamap wanpela premi-

asip fos. “Mi amamas tru long pilai wanpela moa sisen, na em i wanpela gutpela taim bilong pilai long South Sydney,” Crocker i tok. Wanpela long faivpela wan-kepten long Rabbitohs, lidasip bilong Crocker i bin strongim tim dispela sisen.



SLATER: Nogat kros

Slater nogat kros long Graham

BILLY Slater i tok em i nogat belkros agensim James Graham bilong Canterbury, na em i lus tingting pinis long em i kaikaim iau bilong em long gren fainol. Graham i kisim 12-pela gem saspensen long dispela asua. Iau bilong Slater i soim yet mak bilong tit bilong Graham, tasol em i tok em na Graham i sekan pinis bihain long em,

na em i nogat kros long em. “Mi lus tingting long en taim gem i pinis,” Slater i tok, pas-taim long em i go insait long trening bilong Kangaroos long Townsville long Trinde. “Kain samting olsem i save kamap long ragbi lig fil. I gat planti bel i kirap, na mi pilaia husat i mekim kain samting olsem bipo, olsem na mi nogat kros long en. Yu sekhan tasol,

na yu lus tingting,” Slater i tok. Slater i pasim skru bilong lek bilong em long trening long Tunde, na em i ron liklik tasol long Trinde. Tasol em i tok em i orait. Bikpela kraud tru bai kamap long Dairy Farmers Stadium bilong pilai namel long Australia na Nu Silan. Johathan Thurston bai keptenim ol Kangaroos.



MORRIS: Redi long makim kantri.

Morris skin kirap long makim kantri

PILAI namel long Nu Silan na Australia bai pinisim wanpela gutpela yia bilong Josh Morris, taim em i makim kantri bilong em wantaim twin brata bilong em, Brett. Morris i bin wanpela

strongpela man long strongim Bulldogs i go long gren fainal bihain long em i simenim posisen bilong em insait long Nu Saut Wels Blues senta long stet ov orijin.

Sileksen bilong Morris i pinisim wanpela gutpela pilai bilong em. Greg Eastwood, Frank Pritchard, Krisnan Inu, Sam Perrett, na Sam Kasiano bai lainap makim ol Kiwis.

Bikpela pait long kisim fainols ples ...PRL lig paia lait

Samuel Peter Koim i raitim

RH Magani na Hekari Tarangau em tupela bik nem tim insait long Pot Mosbi Ragbi lig husat bai pait long go kisim ples long gren fainol.

Long dispela yia tu, tupela narapela bik nem tim husat i pilai strong true em Eda Ranu Dobo Warriors, na Brothers. Long dispela wik Sande, dispela foapela tim bai resis long go kisim ples insait long pilai gren fainol.

Tupela wik i go pinis, tim bi-long ol Koari insait long Sentral Provins, Eda Ranu Dobo Warriors, i winim maina pre-

mia bilong PRL na Brothers i bin kamap long namba tu ples.

Hekari Tarangau husait i bin stap long las tru bilong leta, i pilai strong tru long wik i go pinis na rausim Houshing Paga Panthers. Pathers i bin kam wantaim planti ol biknem pilai bilong ol olsem, Jessie Joe Parker, Charlie Simon, Paul Kambi na McKendi Kendi tasol strong bilong Tarangau i lukim ol i daunim Panthers long wan poin tasol.

Tarangau bai nau sanap long salensim narapela wankain tim olsem na em Eda Ranu Dobo Warriors. Ol bai lukluk long Litol General

Mckenji Buka long laitim paia long fil wantaim ol gutpela kik na pas olsem em bin mekim taim ol pilai wantaim Paga Panthers. Wantaim helpim bilong Junior Onguglo, ol i bai rere tru long stopim ol bik nem pilaia bilong ol Dobo Warriors olsem Adam Korave (Viper), Micky Belo (Isapea) Joshua Abavu (viper) na Sebastine Pandia (Viper). Liklik brata bilong Joshuaia, Blend Abavu bai narapela strongepla mangi we ol Tarangau bai lukluk long em long dispela gem.

Wankain taim tu, Gulf Isapea pilaia olsem Pipi Kiolari i bin helpim RH Magani long dispela yia long kempen bi-

long ol long ragbi.

Ol i pilai strong tru long las wik na bai givim wanpela gutpela salens wantaim i go long ol Brothers. Parisco Brothers tu bai kam strong wantaim sapot na pilai olsem Bobby Mori, Sebu Ragi Jnr na Israel Eliab.

Wina bilong ol dispela gem bai go insait long pilai gren fainol long narapela wik bi-hain.

Dispela wik droa bilong Ragbi long PRL i sanap olsem:

Parisco Brothers vs. RH Magani

Eda Ranu Dobo Warriors vs. Hekari Tarangau



Trukai Fan Ran dro kamap

5-pela winim IBS Skoalasip

FAIV-PELA laki manmeri winim 2012 Trukai Fan Ran dro, we IBS i sponsaim long taim bilong dispela bikpela amamas ron we Trukai save kamapim olgeta yia.

Insitutum bilong Bisnis Stadi (IBS) i givim dispela luksave i go long Trukai Industri long helpim ol manmeri husat i ron long dispela bikpela fan ran long pulapim fom long stap insait long dispela dro long winim skalasip long stadi long IBS long Mosbi.

Planti bilong ol manmeri na sumatin bilong stap insait long dispela dro Trukai na IBS bin mekim long Trinde dispela wik.

Insait long dispela dro 5-

pela laik wina tasol i gat nau sans long stadi wantaim IBS kulis long 6-mail Pot Mosbi.

Dispela 5-pela laki wina em, Peterson Basil, Kenneth Jeff, Billy Zalingau, Betty Ronson na Em Kanaga, em IBS na Trukai i pulim nem bilong.

Manaja bilong IBS Vani Nades i tok dispela laki 5-pela manmeri bai ol yet makim wanem kos o skul ol yet laik stadim o lainim.

Presiden bilong Etletik Komiti Alex Davani i tok tenkyu i go long IBS long givim dispela kain gutpela helpim go long pipel bilong PNG na tu helpim Spot Komisin long raisim mani bilong Olimpik.



Alex Davani i pulim wanpela wina long taim tupela manaja bilong IBS na wok man bilong Trukai i lukluk. Poto Nicky Bernard



Tingim Tom Alau

PLANTI bai laik tingim bek leit wanwok, na gutpela pren tru, Tom Alau. Na yumi olgeta bai tingim kain pani pasin bilong em.

Tru tumas, long dispela taim mi save long em, mi no lukim em i kros long wanpela samting. Samting yu bai lukim, em lap na smail long pes bilong em taim em i stori.

Mi save long Tom long taim mitupela i save pilai soka. Mi bin pilai long Germania Futbol Klub, na Tom i bin stap long Sunam Futbol Klub. Long dispela taim bipo, kain resis mipela i soim long fil, em i no wankain olsem bihain long ol pilai. Em ol namba wan taim tru we mipela i bin bung wantaim, maski mipela i win o lus.

Tom i save autim kain kain tok pilai, na olgeta bai holim bel na lap indai, na i nogat pinis bilong ol tok pilai.

Em pasin bilong soka long taim bipo.

Taim mi bin joinim Spots Komisin, wok bilong mi i bungim mi go klostu moa long Tom, olsem wanpela anaansa na spots ripota tu.

Olsem na mitupela i gat wankain laik long spots. Bikos PNG Spots Komisin i bin kamap long 1992, em nau, poroman bilong mitupela tu i kirap.

Wok bilong mi i lukim mi stori wantaim Tom klostu olgeta wik. Maski em i ringim mi, o mi ringim em long tok-tok long ol progrem bilong mi, na ol arapela kain spot toktok tasol.

Pasin poroman bilong mitupela i suruk i go ausait long ol brodkas studio tu, na i go long ol opisal bung olsem ol lonsim bilong ol progrem sponsasip.

Insait long ol laspela wik bilong em, mi na Tom i mekim sampela ol progrem mi wok long mekim raun long kantri. Wanpela taim mi askim em sapos olgeta samting i orait long em tasol. Em i hariap na tok olsem em i orait tasol na stap. Mi bin harim olsem nek bilong em i yangpela yet, tasol mi wari long bodi bilong em.

Em nau mi askim sapos em i wok tingting long pinis wok o nogat. Em i tok olsem em i wok long wetim opisal toksave tasol long lusim wok. Tupela wik i go pinis, em laspela taim mitupela i toktok na mipela i stori long progrem bilong mi long Nu Ailan, na tu, long PNG Gems na ol wok redi bilong ol provins.

Ausait long ol intaviu Tom Alau i bin mekim wantaim mi, mitupela i bin poroman. Em i wanpela gutpela man tru, na pasin bilong pani, em i stap long bun bilong em stret. Olgeta manmeri husat i save long dispela gutpela man, i save long strong na pasin bilong em.

Long mi yet, mi bai wari long ol intaviu na stori, na ol lap bilong mitupela.

Long leit pren bilong mi, Tom Alau, mi bai misim ol redio intaviu bilong yu, na ol pani tok pilai. Inap sol bilong yu i painim gutpela taim na malolo.



PNG Breeze winim Brisbane Warehouse long kriket

OL Mangi PNG husat kisim skoalasip wantaim Brian Bell progrem na stap long Australia i winim nambawan pilai bi-long ol wantaim Brisbane Warehouse wantaim 144 ran.

Dispela em nambawan taim PNG pilai long dispela WEBB sil tonomen long Australia bihain long askim ol long pilai.

WEBB tonomen em ol Saut Is Kwinslen Rijen save kamapim long makim ol pilai bilong ol long stap insait Kwinslen tim long pilai insait long Australia

Dispela em tebol bilong pilai bilong ol.

Kriket pilai.

Dispela tonomen bilong WEBB save pulim ol tim long Gold Coast, Ipswich, Toowoomba, Tweed Heads na Brisbane Warehouse.

Dispela yia ol askim PNG long stap insait long dispela tonomen we PNG i winim nambawan pilai bi-long ol, long yia i go pinis Toowoomba bin win dispela tonomen.

Pilai bai ron long raun robin na bihain bai go insait long fainol na tupela top tim bai pilai long gren fainol long Febwari ,3 2013.



MIPELA TRAIM TASOL: PNG Breeze tim husat i winim Brisbane Warehouse long WEBB kriket long Australia.

Johnston's Pharmacies

All Sports and First Aid requirements

For First Aid Kits. Thompson Vitamins, Red 8 Sports Supplements, Red 8 Sports Hydrate

P.O. Box 1066 Boroko
Phone: 325 3185, Fax: 325 0190
Email: sales@johnstons.com.pg